

四庫全書

史部

欽定四庫全書

史部

資治通鑑卷一百三十三

詳校官修撰臣錢 蔡

洗馬臣王坦修覆勘

總校官知縣臣楊懋珩

校對官中書臣葉 蘭

謄錄監生臣曹方鼎

欽定四庫全書

資治通鑑卷一百三十三

宋司馬光撰

胡三省音註

宋紀十五

起重光大開獻  
旃蒙閏凡五年

太宗明皇帝下

泰始七年春二月戊戌分交廣置越州治臨漳

劉昫曰  
廉州治

合浦縣秦象郡地吳改為珠官郡宋分置臨漳郡及越  
州領郡三治於此又據光約志越州領百梁龍蘇永寧

永昌富昌南流臨漳各浦宋壽九郡蕭子顯曰臨漳郡  
本合浦郡之北界也按沈約宋志作臨障宋白續通典

作臨瘴以臨界內瘴江  
為名瘴江一名合浦江

初上為諸王寬和有令譽獨

為世祖所親即位之初義嘉之黨多蒙全宥

晉安王子勛改元義

嘉隨才引用有如舊臣及晚年更猜忌忍虐好鬼神

好呼

翻到

多忌諱言語文書有禍敗凶喪及疑似之言應回避

者數百千品有犯必加罪戮改駟字為駝

駟古花翻

以其似

禍字故也左右忤意往往有剗斫者

忤五故翻斫側界翻斬也

時淮

泗用兵府藏空竭內外百官並斷俸祿

藏祖浪翻斷丁管翻考異曰

宋本紀云曰給料祿俸今從南史自  
失青徐之後宋魏文兵於淮泗之間

而奢費過度每所

造器用必為正御副御次副各三十枚嬖倖用事貨賂

公行

嬖卑義翻又傳計翻後同

上素無子密取諸王姬有孕者內宮

中生男則殺其母

孕以證翻聞其母於幽

考異曰宋書云房今從宋畧

使寵姬

子之至是寢疾以太子幼弱深忌諸弟南徐州刺史晉

平刺王休祐前鎮江陵貪虐無度

休祐鎮江陵事始上百三十一卷二年刺

來葛翻

上不使之鎮留之建康遣上佐行府州事

上佐謂長史司

馬也

休祐性剛狠前後忤上非一

狠戶壑翻忤五故翻

上積不能平

且慮將來難制欲方便除之

施方畧乘便利而殺之也

甲寅休祐從

上於巖山射雉

據休祐傳巖山在建康城南又據宋紀巖山在秣陵縣界世祖景寧陵在馬射

而亦

左右從者並在仗後

從才用翻

日欲闇上遣左右壽寂

之等數人逼休祐令墜馬因共毆拉殺之傳呼驃騎落

馬

毆馬口翻拉盧合翻驃匹妙翻騎奇寄翻

上陽驚遣御醫絡驛就視

絡驛猶絡

得

比其左右至休祐已絕

比必寐翻及也絕氣絕也

去車輪輿還第

去羌呂翻下悉去同

追贈司空葬之如禮建康民間訛言荊州刺

史巴陵王休若有至貴之相上以此言報之休若憂懼

戊午以休若代休祐為南徐州刺史休若腹心將佐皆

謂休若還朝必不免禍中兵參軍京兆王敬先說休若

曰

相息亮翻將即亮翻朝直遙翻下同說翰尚翻

今主上彌留

書顧命曰疾大漸惟幾病日臻

既彌留呂祖謙曰疾大進而瀕於死病日加則愈留夏撰曰重疾謂之病言重病日至而又久留於體曾不減

去將必死也

政成省閣羣豎恟恟欲悉去宗支以便其私

恟許

拱翻去起呂翻

殿下聲著海內受詔入朝必往而不返荊州帶

甲十餘萬地方數千里上可以匡天子除姦臣下可以

保境土全一身孰與賜劍邸第使臣妾飲泣而不敢葬

乎

呂向曰泣淚也淚入口曰飲

休若素謹畏偽許之敬先出使人執

之以白於上而誅之 三月辛酉魏假員外散騎常侍

邢祐來聘

散悉賣翻 騎奇寄翻

魏主使殿中尚書胡莫寒簡西

部敕勒為殿中武士

魏書官氏志拓拔鄰以兄為紀骨氏後改為胡氏自魏世祖破柔然

高車敕勒皆來降其部落附塞下而居自武周塞外以西謂之西部以東謂之東部依漠南而居者謂之北部

莫寒大納貨賂衆怒殺莫寒及高平假鎮將奚陵

假鎮將者

未得為真將 即亮翻下同

夏四月諸部敕勒皆叛魏主使汝陰王天

賜將兵討之以給事中羅雲為前鋒敕勒詐降襲雲殺

之

降戶江翻

天賜僅以身免

晉平刺王旣死

刺來達翻

建安王



休仁益不自安上與嬖臣楊運長等為身後之計運長

等亦慮上晏駕後休仁秉政已輩不得專權彌贊成之

上疾嘗暴甚內外莫不屬意於休仁

屬之欲翻

主書以下皆

往東府訪休仁所親信豫自結納其或在直不得出者

皆恐懼上聞愈惡之

惡馬路翻

五月戊午召休仁入見

見賢通翻

既而謂曰今夕停尚書下省宿明可早來其夜遣人齎

藥賜死休仁罵曰上得天下誰之力邪

事見一百三十一卷元年二年

孝武以誅鉏兄弟子孫滅絕

孝武誅鉏兄弟謂殺南平王繇竟陵王誕海陵王休

茂也子孫滅絕於秦  
始之世事並見前

今復為爾

復扶又翻  
下已復同

宋祚其能久

乎上慮有變力疾乘輿出端門休仁死乃入下詔稱休

仁規結禁兵謀為亂逆朕未忍明法申詔詰厲

詰起  
吉翻

休

仁慙恩懼罪遽自引決可宥其二子降為始安縣王聽

其子伯融襲封上慮人情不悅乃與諸大臣及方鎮詔

稱休仁與休祐深相親結語休祐云汝但作佞此法自

足安身我從來頗得此力休祐之隕本欲為民除患而

休仁從此日生矯懼

語牛倨翻為于偽翻  
矯集韻爾紹翻擾也

吾每呼令入

省便入辭楊太妃

楊太妃休仁所生母也

吾春中多與之射雉

射而

亦翻或陰雨不出休仁輒語左右云我已復得令一日休

仁既經南討

謂南拒尋陽之兵故也

與宿衛將帥經習狎共事

將即

亮翻帥所類翻

吾前者積日失適

失適謂體中不安和也

休仁出入殿省

無不和顏厚相撫勞如其意趣人莫能測事不獲已反

覆思惟不得不有近日處分恐當不必即解

勞力到翻處昌呂翻

分扶問翻解戶貢翻曉也

故相報知上與休仁素厚雖殺之每謂人

曰我與建安年時相鄰

謂年齒不相遠也

少便款狎景和泰始

之間勲誠實重事計交切不得不相除痛念之至不能

自己因流涕不自勝

少詩照翻勝音升史言帝殘害骨肉不能自揜其天性之傷

初

上在藩與褚淵以風素相善

風素相善者以其風操雅素而與之善也蕭子顯齊

書風

及即位深相委仗上寢疾淵為吳郡太守

蕭子顯齊書

淵傳云為吳興太守按吳郡近歲大郡也吳興次郡也淵以大尚書出守當得大郡吳郡為是

急召之

既至入見

見賢通翻

上流涕曰吾近危篤

近其漸翻

故召卿欲使

著黃襪耳黃襪者乳母服也

著則畧翻襪力賀翻女人上衣也言託孤於淵

上

與淵謀誅建安王休仁淵以為不可上怒曰卿癡人不

足與計事淵懼而從命復以淵為吏部尚書

泰始之初  
淵為吏部

尚書今去郡還朝  
復為之復狀又翻

庚午以尚書右僕射袁粲為尚書令

褚淵為左僕射

上惡太子屯騎校尉壽寂之勇健會

有司奏寂之擅殺邏尉徙越州

惡烏路翻邏即  
左翻徙合浦也

於道殺

之丙戌追廢晉平王休祐為庶人

巴陵王休若至

京口聞建安王死益懼上以休若和厚能諧輯物情恐

將來傾奪幼主欲追使殺之處不奉詔欲徵入朝又恐

猜駭

使疏吏翻  
朝直還翻

六月丁酉以江州刺史桂陽王休範為

南徐州刺史以休若為江州刺史手書殷勤召休若使  
赴七月七日宴 丁未魏主如河西 秋七月巴陵哀

王休若至建康乙丑賜死於第贈侍中司空復以桂陽

王休範為江州刺史

復扶又翻

時上諸弟俱盡唯休範以人

才凡劣不為上所忌故得全

為後休範稱其張本

沈約論曰聖人立法垂制所以必稱先王蓋由遺訓  
餘風足以貽之來世也太祖經國之義雖弘隆家之  
道不足彭城王照不窺古徒見昆弟之義未識君臣

之禮冀以家情行之國道主猜而猶犯思薄而未悟

致以呵訓之微行遂成滅親之大禍

謂文帝殺彭城王義康也沈約

言義康之罪文帝當呼而訓之不當遂殺之也行下蓋翻

開端樹隙垂之後人太

宗因易隙之情據已行之典翦落洪枝

謂據文帝已行之典而翦

除兄弟也洪大也枝兄弟也嫡統為本枝庶為枝易以敗翻

不待顧慮既而本根

無庇幼主孤立神器以勢弱傾移靈命隨樂推回改

樂音洛

斯蓋履霜有漸堅冰自至所由來遠矣

裴子野論曰夫噬虎之獸知愛已子搏狸之鳥非護

異巢太宗保字螟蛉劉拉同氣既迷在原之天屬未

識父子之自然

詩曰螟蛉之子蜾蠃負之教誨爾子式穀似之故世俗謂抱養者為螟蛉

又曰眷令在原兄弟急難劉子小翻絕也拉盧合翻

宋德告終非天廢也夫危

亡之君未嘗不先弃本枝嫗煦旁孽

鄭康成曰體曰嫗氣曰煦陸德

明曰嫗於具翻徐於甫翻煦許具翻徐况甫翻孽魚列翻說文庶子為孽旁孽旁枝之庶子也

推誠

嬖狎

嬖卑義翻又博計翻

疾惡父兄

惡烏路翻

前乘覆車後來并轡

借使仲叔有國猶不失配天而他人入室將七廟絕

祀曾是莫懷甘心揃落

揃子踐翻

晉武背文明之託而覆



中州者賈后

事見晉武帝紀背蒲妹翻

太祖棄初寧之誓而登合

殿者元凶

事見文帝紀

禍福無門奚其豫擇友于兄弟不

亦安乎

丙寅魏主至陰山

初吳喜之討會稽也言於上曰得

尋陽王子房及諸賊帥皆即於東戮之

會工外翻帥所類翻

既而

生送子房釋顧琛等

事見一百三十一卷之二

上以其新立大功

不問而心銜之及克荊州剽掠賊以萬計

尋陽既平建安王休仁遣

喜進克荊州剽匹妙翻

壽寂之死喜為淮陵太守督豫州諸軍事

淮陵漢縣屬臨淮郡後屬下邳國晉復屬臨淮惠帝永寧元年以為淮臨國宋為郡屬南徐州宋白曰泗州招

信縣本漢淮陵縣

聞之內懼啓乞中散大夫

漢大掌論議中散大夫後漢志始

有之魏晉以來以為冗散散悉重翻

上尤疑駭或諧蕭道成在淮陰有貳

心於魏

考異曰南齊書太祖紀云帝常嫌太祖非人臣相而民間流言蕭諱當為天子帝愈以為疑

今從宋畧

上封銀壺酒使喜自持賜道成道成懼欲逃喜以

情告道成且先為之飲道成即飲之

為于偽翻

考異

戎服出門迎即酌飲之喜還帝意乃解宋畧云道成懼弗肯飲將出奔喜語以情先為之酌於是喜得罪而道成被徵蓋南齊書欲成太喜還朝保證道成

朝直或密祖之美故云爾今從宋畧

以啓上上以喜多計數素得人情恐其不能事幼主乃

召喜入內殿與共言謔甚款既出賜以名饌

謔迄却翻  
饌雖戀翻

又雖  
曉翻

尋賜死然猶發詔賻賜

賻音附

又與劉劭等詔曰吳

喜輕狡萬端苟取物情昔大明中黥歙有亡命數千人

攻縣邑殺官長劉子尚遣三千精甲討之再往失利

孝武

第二子曰豫章王子尚與景和同  
母也黥音伊歙音攝長知兩翻

孝武以喜將數十人

至縣說誘羣賊

將即亮翻說輸  
尚翻誘音酉

賊即歸降詭數幻惑

說過

委翻幻  
戶辦翻

乃能如此及泰始初東討止有三百人直造三

吳

造上到翻

凡再經薄戰

薄伯各翻

而自破岡以東至海十郡無

不清蕩

十郡謂晉陵義興吳郡吳興南東海會稽東陽臨海永嘉新安等郡也

百姓聞吳

河東來便望風自退若非積取三吳人情何以得弭伏

如此

弭緜婢翻

尋喜心迹豈可奉守文之主遭國家可乘之

會邪譬如餌藥當人羸冷資散石以全身

散如寒食散之類石謂丹

石也羸倫為翻散悉但翻

及熱勢發動去堅積以止患非忘其功勢

不獲已耳

用人如此人不自保其肯終為之用乎

戊寅以淮陰為北兗

州

淮陰為南兗州事見上卷上年

徵蕭道成入朝

朝直逸翻下同

道成所親以

朝廷方誅大臣勸勿就徵道成曰諸卿殊不見事主上

自以太子推弱

推持利翻

翦除諸弟何預它人今唯應速發

淹留顧望必將見疑且骨肉相殘自非靈長之祚禍難

將興方與卿等戮力耳

史言骨肉相殘則姦雄生心因之而起為蕭氏取宋張本難乃

旦翻既至拜散騎常侍太子左衛率

散悉但翻騎奇寄翻率所律翻

八

月丁亥魏主還平城 戊子以皇子躋繼江夏文獻王

義恭

景和之初義恭父子皆死事見一百三十一卷夏戶雅翻

庚寅上疾有間

間讀

字如大赦戊戌立皇子準為安成王實桂陽王休範之子

也 魏顯祖聰睿夙成剛毅有斷而好黃老浮屠之學

每引朝士及沙門共談玄理雅薄富貴常有遺世之心

以叔父中都大官京兆王子推沈雅仁厚素有時譽欲

禪以帝位

中都大官即周之子斷丁亂

翻沈持林翻

時太尉源賀督

諸軍屯漢南馳傳召之

傅林應翻

既至會公卿大議皆莫敢

先言任城王雲子推之弟也

任音士

對曰陛下方隆太平

臨覆四海

覆敦又翻

豈得上違宗廟下棄兆民且父子相傳

其來久矣陛下必欲委棄塵務則皇太子宜承正統夫

天下者祖宗之天下陛下若更授旁支恐非先聖之意  
啓姦亂之心斯乃禍福之原不可不慎也源賀曰陛下

今欲禪位皇叔臣恐紊亂昭穆後世必有逆祀之議

春秋

魯莊公薨子般弑季友立閔公閔公復弑立僖公閔公弟也僖公兄也及僖公薨魯人以先大後小為順遂躋僖公于閔公之上仲尼以臧文仲不知者三繼逆祀其一也言宗廟之祀姪為昭而叔為穆亂也後世必以逆祀貽譏更工銜翻素  
七運翻昭時招翻願深思任城之言東陽公丕等曰

皇太子雖聖德早彰然實冲幼陛下富於春秋始覽萬  
機柰何欲隆獨善不以天下為心其若宗廟何其若億

兆何尚書陸黻曰陛下若捨太子更議諸王臣請刎頸

殿庭不敢奉詔

黻蒲撥翻  
刎扶粉翻

帝怒變色以問宦者選部尚

書酒泉趙黑黑曰臣以死奉戴皇太子不知其它帝默

然

陸黻之言則怒而變色趙黑之言則默然心服者以  
衆屬於正嫡也但朝廷大議作色於陸黻而默爾於

宦官臣庶何觀魏之朝綱  
可想而見矣選須絹翻

時太子宏生五年矣帝以其

幼故欲傳位子推中書令高允曰臣不敢多言願陛下

上思宗廟託付之重追念周公抱成王之事帝乃曰然

則立太子羣公輔之有何不可

高允之言婉而當且發  
於衆言交進之後故轉



移上意為  
力差易  
又曰陸敬直臣也必能保吾子乃以敬為太

保與源賀持節奉皇帝璽綬傳位於太子  
璽斯氏翻  
考異曰後魏

天象志云上迫於太后傳位太子按馮太后若迫  
顯祖傳位當奪其大政安得猶總萬機今從帝紀丙午

高祖即皇帝位  
諱宏顯祖獻文  
皇帝之長子也大赦改元延興高祖幼

有至性前年顯祖病癰高祖親吮  
吮祖  
免翻及受禪悲泣不

自勝  
勝音  
升顯祖問其故對曰代親之感內切於心丁未

顯祖下詔曰朕希心玄古志存澹泊爰命儲宮踐升大

位  
澹徒覽翻  
踐慈行翻朕得優游恭已栖心浩然羣臣奏曰昔漢

高祖稱皇帝尊其父為太上皇明不統天下也

見十一卷漢高

帝六年今皇帝幼冲萬機大政猶宜陛下總之謹上尊號

曰太上皇帝

太上皇帝之號始此時掌翻

顯祖從之己酉上皇徙居

崇光宮采椽不斷

徐廣曰采一名櫟一作柞索隱曰采木名即今之櫟木也余謂采椽者蓋

自山采來之椽因而用之不施斧斤示樸也椽重緣翻

土階而已國之大事咸以

聞崇光宮在北苑中又建鹿野浮圖於苑中之西山

子釋

相傳以為戶迦國波羅奈城東北十里許有鹿野苑木辟支佛住此常有野鹿故以名苑今倣西國而建浮圖也又據魏書道武帝天興二年破高車以其衆起鹿苑於南臺陰北距長城東苞白登屬之西山廣輪數百里

蓋因代都鹿苑之舊名附合西國鹿野之事而建此浮圖也

與禪僧居之

禪時連翻

冬

十月魏沃野統萬二鎮勅勒叛

沃野即漢朔方郡沃野縣也統萬即赫連故都

魏以為鎮置鎮將陸恭之風土記朔方故城後魏改為沃野鎮去統萬八百餘里

遣太尉源賀

帥衆討之降二千餘落

帥請曰率降戶江翻

追擊餘黨至枹罕金

城大破之

抱音膚

斬首八千餘級虜男女萬餘口雜畜三

萬餘頭詔賀都督三道諸軍屯于漠南先是魏每歲秋

冬發軍三道並出以備柔然春中乃還

還從宣翻又如字下同

賀

以為往來疲勞不可支久請募諸州鎮武健者三萬餘

人築三城以處之

先悉薦翻  
處昌呂翻

使冬則講武春則耕種

此即

古屯田  
之說也

不從

庚寅魏以南安王楨為都督涼州及西

戎諸軍事領護西域校尉鎮涼州

校戶  
教翻

上命北琅邪

蘭陵二郡太守垣崇祖經畧淮北

守式  
又翻

崇祖自郁洲將

數百人入魏境七百里據蒙山

此指言舊琅邪蘭陵郡  
也本屬徐州彭城既後

崇祖率部曲據郁洲使領二郡太守未能有其地也魏  
收志蒙山在東安郡新泰縣東南水經注朐山縣東北

海中有大洲謂之郁洲山海經所謂郁山在海中  
者是也杜佑曰鬱洲在海州東海縣亦曰郁洲

十一

月魏東兗州刺史于洛侯擊之崇祖引還上以故第

為湘宮寺

始封湘東王故以故第為湘宮寺

備極壯麗欲造十級浮圖

而不能乃分為二新安大守巢尚之罷郡入見

見賢通翻

上

謂曰卿至湘宮寺未此是我大功德用錢不少

少詩通

通

直散騎侍郎會稽虞愿侍側

散騎侍郎曹魏初與散騎常侍同置至晉武帝置員

外散騎侍郎及元帝太興元年使員外二人與散騎侍郎同員直故謂之通直散騎侍郎後增為四人散悉置

翻騎奇寄翻會工外翻

曰此皆百姓賣兒貼婦錢所為

貼婦謂夫先有婦告

於上之征求而不能贍縱之外求漁夫貼以贍之佛若

有知當慈悲嗟愍罪高浮圖何功德之有侍坐者失色

坐祖  
卧翻

上怒使人驅下殿愿徐去無異容上好圍碁

好呼  
到翻

同碁甚拙與第一品彭城丞王抗圍碁

當時圍碁之品  
王抗為第一

抗每假借之曰皇帝飛碁臣抗不能斷

圍碁之勢聯屬  
不斷然後可以

勝人若為人斷之  
則為所勝斷如字

上終不悟好之愈篤愿又曰堯以此

教丹朱

博物志堯造圍碁以教子丹朱或云舜以子商  
均愚故作圍碁以教之其法非智者不能也胡

旦曰以碁為易則聰明者而或不  
能以為難則愚下小人往往精絕非人主所宜好也上

雖怒甚以愿王國舊臣

上為湘東王  
愿為國常侍

每優容之

王景

文常以盛滿為憂屢辭位任上不許然中心以景文外

戚貴盛張永累經軍旅疑其將來難信乃自為謠言曰

一士不可親弓長射殺人

射而亦翻

景文彌懼自表解揚州

情甚切至詔報曰人居貴要但問心若為耳

言但問其存心何如

耳大明之世巢徐二戴位不過執戟權亢人主

巢謂巢尚之徐

謂徐爰二戴謂法興明寶亢口浪翻高也

今袁粲作僕射領選

選須絹翻

而人往

往不知有粲粲遷為令居之不疑人情向粲淡然亦復

不改常日以此居貴位要任當有致憂競不

袁粲之簡淡雅素自

足以鎮雅俗而明帝謂其可以託孤則真達才易務矣然粲才雖不足以死繼之無愧於為臣之大節其視褚

淵相去豈不遠哉復扶又  
翻號當作號不讀曰否

夫貴高有危殆之懼卑賤有

填壑之憂有心於避禍不如無心於任運存亡之要巨

細一揆耳

秦豫元年春正月甲寅朔上以疾久不平改元戊午皇

太子會四方朝賀者於東宮并受貢計

朝直  
通翻

大陽蠻

酋桓誕擁污水以北澮葉以南八萬餘落降於魏

此即  
五水

蠻也宋置大陽成於新陽縣西北縣即漢江夏郡新春  
縣也污水以北澮葉以南皆羣蠻所居誕擁以降魏而

誕實大陽蠻酋也首慈由翻汚彌克  
翻澮直里翻葉式涉翻降戶江翻

自云桓玄之子亡



匿蠻中以智略為羣蠻所宗魏以誕為征南將軍東荆

州刺史襄陽王

東荆州治北陽縣

聽自選郡縣吏使起部郎京

兆韋珍與誕安集新民區置諸事皆得其所

據晉志武帝置起部

郎杜佑通典曰晉宋有起部而不常置起部工部也取虞書百工起哉為義自是之後諸蠻皆倚魏以侵擾南

國

二月柔然侵魏上皇遣將擊之

將即亮翻下同

柔然走東

部敕勒叛奔柔然上皇自將追之至石磧

磧七迹翻石磧即石漠

不及而還

上疾篤慮晏駕之後皇后臨朝江安懿侯

王景文以元舅之勢必為宰相

景文皇后兄也朝直遇翻相息亮翻

門族

疆盛或有異圖已未遣使齎藥賜景文死

使疏史翻

手救曰

與卿周旋欲全卿門戶故有此處分

處昌呂翻分扶問翻

救至景

文正與客棊叩函看已

已畢也

復置局下神色不變方與

客思行爭劫

棊有行有劫行者欲擊東而聲出於西也劫者先有彼我兩急之勢彼欲出此則我

劫彼以制之也行下並翻

局竟飲子內奩畢

子棊子也奕戲既畢則飲而納諸奩中奩力鹽

翻徐曰奉教見賜以死方以敕示客

斷句

中直兵焦度趙

智畧憤怒

中直兵典親兵將官也洪适曰宋有中直兵外兵騎兵參軍

曰大丈夫安

能坐受死州中文武數百足以一奮

王景文時為揚州刺史

景文

曰知卿至心若見念者為我百口計乃作墨啓荅救致

謝欽藥而卒

考異曰南史云帝使謂景文曰朕不謂卿有罪然吾不能獨死請子先之若使者

有此語則坐客不容不知更終幕局又曰景文酌酒謂客曰此酒不可相勸自仰而飲之按焦度勸拒命必不

對坐客言之何得死時贈開府儀同三司上夢有人告

曰豫章太守劉惔反既寤遣人就郡殺之

惔於舍翻

魏顯

祖還平城

書顯祖以別魏主

庚午魏主耕籍田夏四月以

垣崇祖行徐州事徙戍龍沮

魏收地志東彭城郡有龍沮縣縣有即丘城五代

志琅邪郡治臨沂縣舊曰即丘沮子余翻

己亥上大漸

書顧命云疾大漸呂祖謙注曰疾大

進而瀕於死也。以江州刺史桂陽王休範為司空，又以尚書右

僕射褚淵為護軍將軍，加中領軍，劉劭、右僕射劭彌詔

淵劭與尚書令袁粲、荊州刺史蔡興宗、郢州刺史沈攸

之並受顧命。褚淵素與蕭道成善，引薦於上。詔又以道

成為右衛將軍，領衛尉。左右衛晉官衛尉漢官也。史言禁衛兵柄皆歸道成。與袁

粲等共掌機事。是夕上殂。年三十四庚子，太子即皇帝位。大

赦，時蒼梧王方十歲。袁粲、褚淵秉政，承太宗奢侈之後，

務弘節儉，欲救其弊。而阮佃夫、王道隆等用事，貨賂公

行不能禁也

佃音田

乙巳以安成王準為揚州刺史

五月戊寅葬明皇帝于高寧陵

據南史陵在臨沂縣莫府山

廟號太

宗六月乙巳尊皇后曰皇太后

考異曰宋畧本紀作癸未今從宋本紀

立

妃江氏為皇后 秋七月柔然部帥無盧真將三萬騎

寇魏敦煌鎮將尉多戾擊走之多侯眷之子也

尉眷事魏太武

有平赫連之功帥所類翻將即亮翻下同騎奇寄翻敦徒門翻尉紆勿翻

又寇晉昌守將薛

奴擊走之

魏書官氏志西方諸姓叱干氏改為薛氏

戊午魏主如陰山

戊辰尊帝母陳貴妃為皇太妃更以諸國太妃為太姬

更工街翻  
姬音怡

右軍將軍王道隆以蔡興宗彊直不欲使

居上流閏月甲辰以興宗為中書監更以沈攸之為都

督荆襄等八州諸軍事荊州刺史興宗辭中書監不拜

王道隆每詣興宗躡履到前不敢就席良久去竟不呼

坐沈攸之自以材畧過人自至夏口以來陰蓄異志

夏口

鄂州也攸之鎮鄂州見  
上卷五年夏戶雅翻

及徙荊州擇鄂州士馬器仗精

者多以自隨到官以討蠻為名大發兵力招聚才勇部

勒嚴整常如敵至重賦歛以繕器甲

歛力  
賻翻

舊應供臺者

皆割留之養馬至二千餘匹治戰艦近千艘

治直之翻  
船戶點翻

近其新翻  
艘蘇遭翻

倉廩府庫莫不充積士子商旅過荊州者多

為所羈留四方亡命歸之者皆蔽匿擁護所部或有逃

亡無遠近窮追必得而止舉錯專恣不復承用符敕

千錯

故翻復  
扶又翻

朝廷疑而憚之

為後攸之耦兵張本臺省所下  
者為符出命經中書門下者為

敕

為政刻暴或鞭撻士大夫上佐以下面加詈辱

詈力  
智翻

然吏事精明人不敢欺境內盜賊屏息

屏必  
郭翻

夜戶不閉

攸之賤罰羣蠻太甚

何承天纂文曰賤蠻夷  
賄罪皆也音徒濫翻

又禁五溪

魚鹽蠻怨叛酉溪蠻王田頭擬死

水經酉水導源巴郡臨江縣東逕遷陵縣

故城北又東逕酉陽故縣南又東逕沅陵縣北又南注沅水

弟婁侯纂立其子田都

走入獠中

獠魯皓翻

於是羣蠻大亂掠抄至武陵城下

抄楚文翻

武陵內史蕭嶷遣隊主張英扼擊破之誅婁侯立田都

羣蠻乃定嶷贖之弟也

史言蕭道成二子皆有幹時之用嶷魚力翻贖士革翻

八月戊午樂安宣穆公蔡興宗卒九月辛巳魏主還平

城冬十月柔然侵魏及五原十一月上皇自將討之

將即

亮翻將度漠柔然北走數千里上皇乃還

還從宣翻又如字

丁



亥魏封上皇之弟略為廣川王 己亥以郢州刺史劉

秉為尚書左僕射秉道憐之孫也和弱無幹能以宗室

清令

令善也

故袁褚引之

史言袁褚尚虛名而無實用所以受制於英雄也

中

書通事舍人阮佃夫

晉初初置中書舍人通事各一人江左令舍人通事謂之中書通事

舍人佃音田

加給事中輔國將軍權任轉重欲用其所親吳

郡張澹為武陵郡袁粲等皆不同佃夫稱敕施行粲等

不敢執

史言袁粲等撓於權倖不能裁之以正澹徒覽翻

魏有司奏諸祠祀

合一千七十五所歲用牲七萬五千五百上皇惡其多

殺

惡馬路翻

詔自今非天地宗廟社稷皆勿用牲薦以酒脯

而已

蒼梧王上

諱昱字德融明帝長子也小字慧震

元徽元年春正月戊寅朔改元大赦 庚辰魏員外散

騎常侍崔演來聘

散悉賈翻騎奇寄翻

戊戌魏上皇還至雲中

還自討承然

癸丑魏詔守令勸課農事同部之內貧富相

通家有兼牛通借無者若不從詔一門終身不仕 戊

午戌上皇至平城

自雲中至平城

甲戌魏詔縣令能靜一縣

劫盜者兼治二縣即食其祿能靜二縣者兼治三縣

治直

之翻下同

三年遷為郡守

守式又翻

二千石能靜二郡上至三郡

亦如之三年遷為刺史

桂陽王休範素凡訥少知解

凡庸常也訥言難也少詩詔翻解戶買翻解脫也

不為諸兄所齒遇

滿列也遇侍也不以

諸弟之列侍之也

物情亦不向之故太宗之末得免於禍及帝

即位年在冲幼素族秉政近習用權

素族謂袁褚也近習謂阮佃夫王道

隆楊運長也

休範自謂尊親莫二

帝諸父皆誅死唯休範在故謂尊親莫二

應入

為宰輔既不如志怨憤頗甚典籤新蔡許公興為之謀

主令休範折節下士

折而設翻  
下戶嫁翻

厚相資給於是遠近赴

之歲中萬計收養勇士繕治器械朝廷知其有異志亦

陰為之備會夏口闕鎮

夏戶雅翻

朝廷以其地居尋陽上流

欲使腹心居之二月乙亥以晉熙王燮為郢州刺史燮

始四歲以黃門郎王真為長史行府州事

黃門郎郎即配

以資力使鎮夏口

夏戶雅翻

復恐其過尋陽為休範所劫留

復扶又翻

使自太泚徑去

南史休範傳作太子泚此蓋即劉胡自江外趣沔口之路

休範

聞之大怒密與許公興謀襲建康表治城隍多解材板

而蓄之與景文之兄子也 吐谷渾王拾寅寇魏澆河

夏四月戊申魏以司空長孫觀為大都督發兵討之

吐從

敵入聲谷音浴洗  
堅亮翻長如兩翻

魏以孔子二十八世孫乘為崇聖

大夫

崇聖大夫以尊  
崇先聖名官

給十戶以供洒掃

洒所賣翻掃素  
報翻又並上聲

秋七月魏詔河南六州之民

河南六州青徐  
兗豫齊東徐也

戶收絹

一匹綿一斤租三十石 乙亥魏主如陰山 八月庚

申魏上皇如河西長孫觀入吐谷渾境芻其秋稼吐谷

渾王拾寅窘急請降

窘巨隕翻  
降戶江翻

遣子斤入侍自是歲修

職貢九月辛巳上皇還平城

遣使如魏

報聘也使  
疏吏翻

冬十月癸酉割南豫兖州之境置徐州治鍾離

鍾離禹  
塗山氏

之國春秋鍾離子之國漢為縣屬九江郡晉屬淮南郡  
晉安帝分立鍾離郡宋立徐州於此宋白曰今鍾離縣

東四十里  
有鍾離城

魏上皇將入寇詔州郡之民十丁取一以

充行

以充征  
行也

戶收租五十石以備軍糧

魏武都氏反

攻仇池詔長孫觀回師討之

武都王楊僧嗣卒於葭

蘆從弟文度自立為武興王

從才  
用翻

遣使降魏魏以文度

為武興鎮將

將即亮  
翻下同

十一月丁丑尚書令袁粲以母

憂去職

癸巳魏上皇南巡至懷州

魏天安二年以河內郡置懷州因古

地名以

枋頭鎮將代人薛虎子先為馮太后所黜為門

士

魏有宰士門士宰士掌酒食門士守門戶枋音方先悉薦翻

時山東饑盜賊競起

相州民孫誨等五百人稱虎子在鎮境內清晏乞還虎

子上皇復以虎子為枋頭鎮將

相息亮翻下同復扶又翻又如字

即日

之官數州盜賊皆息

數州謂冀相懷等州

十二月癸卯朔日有

食之 乙巳江州刺史桂陽王休範進位太尉 詔起

袁粲以衛軍將軍攝職

所謂起復也

粲固辭 壬子柔然侵

魏柔玄鎮二部敕勒應之

據水經注柔玄鎮在長川城東城南小山於延水所出也

此即六鎮之一

魏州鎮十一水旱相州民餓死者二千八百

餘人

是歲魏妖人劉舉聚衆自稱天子

妖如暹翻

齊州刺

史武昌王平原討斬之平原提之子也

武昌王提見一百二十五卷宋

文帝元嘉

二十四年

二年春正月丁丑魏太尉源賀以疾罷 二月甲辰魏

上皇還平城 三月丁亥魏員外散騎常侍許赤虎來

聘 夏五月壬午桂陽王休範反

考異曰宋書作壬午按長曆此月辛未



朔無士子今從宋畧掠民船使軍隊稱力請受軍有軍主副隊有隊主副稱力請受

者稱其衆力之多少付以材板合手裝治合音閭治數而請船也稱尺證翻

日即辦丙戌休範率衆二萬騎五百發尋陽騎奇晝夜寄翻

取道以書與諸執政稱楊運長王道隆蠱惑先帝使建

安巴陵二王無罪被戮事見上明帝泰始七年蠱音古被皮義翻望執錄二

豎以謝寃魂豎常句翻庚寅大雷戌主杜道欣馳下告變朝

廷惶駭護軍褚淵征北將軍張永領軍劉劭僕射劉秉

右衛將軍蕭道成游擊將軍戴明寶驍騎將軍阮佃夫

右軍將軍王道隆中書舍人孫千齡員外郎楊運長

員外

郎即員外散騎侍郎  
驍堅亮翻騎奇寄翻

集中書省計事莫有言者道成曰

昔上流謀逆皆因淹緩致敗

謂南郡王義宣晉  
安王子勛等也

休範必

遠懲前失輕兵急下乘我無備今應變之術不宜遠出

若偏師失律則大沮衆心

沮在呂翻

宜頓新亭白下堅守宮

城東府石頭以待賊至千里孤軍後無委積

委於偽翻  
積子智翻

周禮遺人凡賓客會同師役掌其道路之委積注云少  
曰委多曰積又宰夫掌牢禮委積注云委積謂牢米薪

芻左傳居則具一日之  
積杜預注云芻米薪

求戰不得自然瓦解我請頓新

亭以當其鋒征北守白下領軍屯宣陽門為諸軍節度

諸貴安坐殿中不須競出我自破賊必矣因索筆下議

衆並注同

並注名同道成議也索山客翻

孫千齡陰與休範通謀獨曰

宜依舊遣軍據梁山道成正色曰賊今已近梁山豈可

得至新亭既是兵衝所欲以死報國耳常時乃可屈曲

相從今不得也坐起

坐祖卧翻

道成顧謂劉劭曰領軍已同

鄙議不可改易袁粲聞難扶曳入殿

袁粲居喪毀瘠故扶曳而入難乃旦

翻即日内外戒嚴道成將前鋒兵出屯新亭

將即張永亮翻

屯白下前南兖州刺史沈懷明戍石頭袁粲褚淵入衛

殿省時倉猝不暇授甲開南北二武庫隨將士意所取

蕭道成至新亭治城壘未畢

將即亮翻下同治直之翻

辛卯休範前

軍已至新林

新林浦去今建康城二十里

道成方解衣高卧以安衆

心徐索白虎幡

索山客翻

登西垣使寧朔將軍高道慶羽林

監陳顯達員外郎王敬則帥舟師與休範戰頗有殺獲

帥讀曰率

壬辰休範自新林捨舟步上

上時掌翻

其將丁文豪請

休範直攻臺城休範遣文豪別將兵趣臺城

趣七喻翻

自以

大衆攻新亭壘道成率將士悉力拒戰自己至午外勢

愈盛衆皆失色道成曰賊雖多而亂尋當破矣休範白

服乘肩輿自登城南臨滄觀

臨滄觀在勞山上江寧縣南十五里亦曰勞勞亭觀

古玩以數十人自衛

考異曰張敬兒傳云左右數百人皆散走按休範左右若有數百

人黃回敬兒雖勇何敢輕往取之今從休範傳

屯騎校尉黃回與越騎校尉張

敬兒謀詐降以取之

騎奇寄翻校戶教

回謂敬兒曰卿

可取之我誓不殺諸王敬兒以白道成道成曰卿能辦

事當以本州相賞

敬兒南陽冠軍人本州謂雍州也為後敬兒求雍州張本

乃與回

出城南放仗走大呼稱降休範喜召至輿側回陽致道

成密意休範信之以二子德宣德嗣付道成為質

呼火故翻

質音致二子至道成即斬之休範置回敬兒於左右所親

李恒鍾爽諫不聽

恒戶登翻

時休範日飲醇酒回見休範無

備目敬兒敬兒奪休範防身刀斬休範首左右皆散走

敬兒騎馬持首歸新亭道成遣隊主陳靈寶送休範首

還臺靈寶道逢休範兵弃首於水

考異曰南齊書云埋首道側宋畧云弃諸

溝中今從宋書

挺身得達唱云已平而無以為驗衆莫之信休

範將士亦不之知其將杜黑驟攻新亭甚急

將即亮翻  
驟盧戈翻

考異曰宋書南齊書  
作黑蟲而今從宋畧

蕭道成在射堂司空主簿蕭惠

朗帥敢死士數十人突入東門

休範先為司空以惠朗  
為主簿帥讀曰率下同

至射堂下道成上馬帥麾下搏戰惠朗乃退道成復得

保城

復扶  
又翻

惠朗惠開之弟也

蕭惠開見一百三十一卷  
明帝泰始之元年二年

其姊為休範妃惠朗兄黃門郎惠明時為道成軍副在

城內了不自疑

左傳宋元公與華氏戰于新里翟偃新  
居于新里既戰說甲于公而歸華姓居

于公里亦如之杜預注曰古之為軍不告小  
忽懷力主翻姓他口翻皆于斯翻又音紫

道成與黑

騾拒戰自晡達旦矢石不息其夜大雨鼓呼不復相聞

復扶又翻

將士積日不得寢食軍中馬夜驚城內亂走道成

秉燭正坐厲聲呵之如是者數四丁文豪破臺軍於皂

莢橋

見英橋當在新亭之北

直至朱雀桁南

朱雀桁即大航也在秦淮水上以其在朱

雀門外故名桁與航同音戶剛翻

杜黑騾亦捨新亭北趣朱雀桁

趣七俞翻右

軍將軍王道隆將羽林精兵在朱雀門內急召鄱陽忠

昭公劉劭於石頭劭至命撤桁以折南軍之勢道隆怒

曰賊至但當急擊寧可開桁自弱邪劭不敢復言道隆



趣勦進戰

折之舌翻復扶  
又翻趣讀曰促

勦度析南戰敗而死黑騾等

乘勝度淮道隆弃衆走還臺黑騾兵追殺之

蕭道成所  
謂諸貴不

須競出者  
正慮此也

黃門侍郎王蘊重傷踣於御溝之側

踣蒲  
北翻或

扶之以免蘊景文之兄子也於是中外大震道路皆云

臺城已陷白下石頭之衆皆潰張永沈懷明逃還宮中

傳新亭亦陷太后執帝手泣曰天下敗矣先是月犯右

執法太白犯上將

先悉薦翻太微南蕃中二星曰端門  
東曰左執法西曰右執法東蕃四星

其北星曰上將西蕃四  
星南第一星亦曰上將

或勸劉劭解職劭曰吾執心行

已無愧幽明若災青必至避豈得免勔晚年頗慕高尚

立園宅名為東山遺落世務罷遣部曲蕭道成謂勔曰

將軍受顧命輔幼主當此艱難之日而深尚從容

從千容翻

廢省羽翼一朝事至悔可追乎勔不從而敗甲午撫軍

長史褚澄開東府門納南軍

考異曰宋書作撫軍與義茅恬開東府納賊南齊

書作車騎典義茅恬蓋晉為褚澄諱耳今從宋畧

擁安成王準據東府稱桂陽

王教曰安成王吾子也勿得侵犯澄淵之弟也杜黑驪

徑進至杜姥宅

晉成帝杜皇后母裴氏立第南掖門外世謂之杜姥宅姥莫補翻

中書

舍人孫千齡開承明門出降

文帝元嘉二十五年新作閭闔廣莫二門改廣莫門

曰承明門降戶江翻

宮省恒擾

惟去王翻

時府藏已竭

藏但浪翻

皇太后太

妃別取宮中金銀器物以充賞衆莫有闕志俄而丁文

豪之衆知休範已死稍欲退散文豪厲聲曰我獨不能

定天下邪許公輿詐稱桂陽王在新亭士民惶惑詣蕭

道成壘投刺者以千數

凡求見之禮先投刺以自達毛晃曰書姓名以自白故曰刺

道成得皆焚之登北城謂曰劉休範父子昨已就戮尸

在南岡下

南岡即勞山之岡也在新亭城南故謂之南岡

身是蕭平南

道成

屯新亭也加  
平南將軍

諸君諦視之

諦音帝  
審也

名刺皆已焚勿憂懼

也道成遣陳顯達張敬兜及輔師將軍任農夫馬軍主

東平周盤龍等將兵自石頭濟淮從承明門入衛宮省

袁粲慷慨謂諸將曰今寇賊已逼而衆情離沮孤子受

先帝付託不能綏靜國家

蔡時居喪故自稱孤子任  
音壬將即亮翻沮在呂翻請

與諸君同死社稷被甲上馬將驅之

被皮  
義翻

於是陳顯達

等引兵出戰大破杜黑驪於杜姥宅飛矢貫顯達目丙

申張敬兜等又破黑驪等於宣陽門斬黑驪及丁文豪

進克東府餘黨悉平蕭道成振旅還建康

還從宣翻  
又如字

百

姓緣道聚觀曰全國家者此公也道成與袁粲褚淵劉

秉皆上表引咎解職不許丁酉解嚴大赦 柔然遣使

來聘

使疏  
吏翻

六月庚子以平南將軍蕭道成為中領軍

南兖州刺史留衛建康

道成自此  
得政矣

與袁粲褚淵劉秉更

日入直決事號為四貴 桂陽王休範之反也使道士

陳公昭作天公書題云沈丞相付荊州刺史沈攸之門

者攸之不開視推得公昭送之朝廷

桂陽遺攸之書署  
考異曰宋畧云

曰沈丞相攸之斬其使今從宋畧

及休範反攸之謂僚佐曰桂陽必聲

言我與之同若不顛沛勤王

顛沛勤王者危難之際奔走顛沛以從王事也必

增朝野之惑乃與南徐州刺史建平王景素郢州刺史

晉熙王燮湘州刺史王僧虔雍州刺史張興世

雍於用翻

同

舉兵討休範休範留中兵參軍毛惠連等守尋陽燮遣

中兵參軍馮景祖襲之癸卯惠連等開門請降

降戶江湘考

異曰家畧作癸亥按下有戊申今從宋書

殺休範二子諸鎮皆罷兵景素宏

之子也

建平王宏文帝之子也

乙卯魏詔曰下民兇戾不顧親

戚一人為惡殃及闔門朕為民父母深所愍悼自今非

謀反大逆外叛罪止其身於是始罷門房之誅

門誅者誅其一

門房誅者誅其一房時河北大族如崔如李子孫分派各自為房

魏顯祖勤於為治

直治

吏翻賞罰嚴明慎擇牧守

守式又翻

進廉退貪諸曹疑事舊多

奏決又口傳詔敕或致矯擅上皇命事無大小皆據律

正名不得為疑奏合則制可違則彈詰盡用墨詔

制可者手

詔可其所奏彈詰者劾問之合謂與律合也違謂悖於律也詰去舌翻

由是事皆精審尤

重刑罰大刑多令覆鞠

大刑謂死罪

或囚繫積年羣臣頗以

為言上皇曰滯獄誠非善治

治直史翻

不猶愈於倉猝而濫

乎夫人幽苦則思善故智者以圜圉為福堂

圉廬丁翻  
國音語

朕特苦之欲其改悔而加矜恕爾由是因繫雖滯而所

刑多得其宜又以赦令長姦故自延興以後不復有赦

泰始七年魏改元延興  
長知兩翻復扶又翻

秋七月庚辰立皇弟友為邵

陵王 乙酉加荊州刺史沈攸之開府儀同三司攸之

固辭執政欲徵攸之而憚於發命乃以太后令遣中使

謂曰

使疏  
史翻

公久勞於外宜還京師任寄實重未欲輕之



進退可否在公所擇攸之曰臣無廊廟之資居中實非

其才至於撲討蠻蜚

蜚亦蠻屬音蕩旱翻毛晃曰蜚南夷海種也范成大桂海漁衡志曰

蜚海上水居蠻也以舟為家沿海蜚有三種漁蜚取魚蠟蜚取蠟木蜚伐山取材大率皆取海物為糧生食之

入水能視陳師道曰二廣居山谷間不隸州縣謂之倮人舟居謂之蜚人島居謂之黎人余謂巴黔亦自有蜚

人克清江漢不敢有辭雖自上如此上時去留伏聽朝

旨

朝直遙翻

乃止

癸巳柔然寇魏敦煌尉多戾擊破之尚

書奏敦煌僻遠介居西北強寇之間

西謂吐谷渾北柔然也敦使門翻尉

紆勿翻恐不能自固請內徙就涼州羣臣集議皆以為然

給事中昌黎韓秀獨以為敦煌之置為日已久雖逼疆  
寇人習戰鬪縱有草竊不為大害循常置戍足以自全  
而能隔闐西北二虜使不得相通

閏五  
慨翻

今徙就涼州不

唯有覺國之名且姑臧去敦煌千有餘里防邏甚難

邏力

佐翻二虜必有交通闐闐之志

漢武帝開河西四郡以隔絕西羌月氏不得與匈奴

通其規畫正如  
此也關音俞

若騷動涼州則關中不得安枕又士民

或安土重遷招引外寇為國深患不可不慮也乃止

九月

考異曰後魏帝紀使將軍元蘭五將三萬騎及  
假東陽王不為後繼伐蜀漢不言勝負列傳及宋

書皆無之  
今不取

丁酉以尚書令袁粲為中書監領司徒加褚

淵尚書令劉秉丹陽尹粲固辭求反居墓所不許

粲受遺輔

政適罹艱棘國有大難釋衰經以從  
金革之事大難既平求歸終喪禮也  
淵以褚澄為吳郡

太守司徒左長史蕭惠明言於朝

朝直遙翻  
宋畧作惠朗按惠朗

不為司徒長史今從尚史曰褚澄開門納賊更為股肱大郡王蘊力

戰幾死棄而不收

幾居希翻  
又音祁

賞罰如此何憂不亂淵甚

慙冬十月庚申以侍中王蘊為湘州刺史十一月丙

戌帝加元服大赦十二月癸亥立皇弟躋為江夏王

贊為武陵王

躋牋西翻  
夏戶雅翻

是歲魏建安貞王陸敵卒

敵蒲

翻撥

三年春正月辛巳帝祀南郊明堂

二祀並舉也

蕭道成以

襄陽重鎮張敬兒人位俱輕不欲使居之而敬兒求之

不已

蓋道成先許之也

謂道成曰沈攸之在荊州公知其欲何

所作不出敬兒以表裏制之恐非公之利道成笑而無

言

道成居內敬兒居外以制其後故曰表裏制之也

三月己巳以驍騎將軍張

敬兒為都督雍梁二州諸軍事雍州刺史

驍堅亮翻騎奇寄翻雍於

用  
翻 沈攸之聞敬兒上

上時掌翻

恐其見襲陰為之備敬兒既

至奉事攸之親敬甚至動輒咨稟信饋不絕攸之以為

誠然酬報款厚累書欲因遊獵會境上敬兒報以為心

期有在影迹不宜過敦

謂動則有影行則有迹人將窺見之也敦厚也

攸之益

信之敬兒得其事迹皆密白道成道成與攸之書問張  
雍州遷代之日將欲誰擬攸之即以示敬兒欲以間之

史言攸之墮敬兒術中而不悟且為襲江陵張本間古覓翻

夏五月丙午魏主使

員外散騎常侍許赤虎來聘

丁未魏主如武州山辛

酉如車輪山

地形志秀容郡敷城縣有車輪泉車尺遮翻

六月庚午魏初禁

殺牛馬

牛者農之所資馬者兵之所資禁殺當也魏興於北荒畜牧蕃庶殺之者不禁今始禁之

袁粲褚淵皆固讓新官秋七月庚戌復以粲為尚書令

復狀又翻

八月庚子加護軍將軍褚淵中書監冬十二月

丙寅魏徙建昌王長樂為安樂王

樂音洛

己丑魏城陽

王長壽卒南徐州刺史建平王景素孝友清令服用

儉素又好文學

好呼到翻

禮接士大夫由是有美譽太宗特

愛之異其禮秩時太祖諸子俱盡諸孫唯景素為長帝

凶狂失德朝野皆屬意於景素帝外家陳氏深惡之

知長

兩翻屬之欲  
翻惡鳥路翻

楊運長阮佃夫等欲專權勢不利立長君

亦欲除之其腹心將佐多勸景素舉兵鎮軍參軍濟陽

江淹獨諫之

景素時以鎮北將軍鎮京口以淹  
為主簿鎮軍當作鎮北齊子禮翻

景素不

悅是歲防閤將軍王季符得罪於景素

江左之制禁衛  
有直閤將軍王

國有防  
閤將軍

單騎亡奔建康告景素謀反

騎奇  
寄翻

運長等即欲

發兵討之袁粲蕭道成以為不可景素亦遣世子延齡

詣闕自陳乃徙季符於梁州奪景素征北將軍開府儀

同三司

征北亦當  
作鎮北

資治通鑑卷一百三十三



欽定四庫全書

資治通鑑卷一百三十四 宋 司馬光 撰

胡三省 音註

宋紀十六

起柔兆執徐盡著  
雍敦牂凡三年

蒼梧王下

元徽四年春正月己亥帝耕籍田大赦 二月魏司空

東郡王陸定國坐恃恩不法免官爵爲兵 魏馮太后

內行不正

行下  
孟翻

以李弈之死怨顯祖

事見一百三十二  
卷明帝泰始之六

年密行鴆毒夏六月辛未顯祖殂

年二十三考異曰元行冲後魏國典云太

后伏壯士於禁中太入謁遂崩按事若如此安得不彰而中外恬然不以為怪又孝文終不之知按後魏書

及北史皆無殺事而天象志云顯文暴崩蓋實有鴆毒之禍今從之壬申大赦改元承明

葬顯祖於金陵

金陵在雲中

諡曰獻文皇帝

魏大司馬大

將軍代人萬安國坐矯詔殺神部長奚買奴賜死

神部八部

之一也長知兩翻

戊寅魏以征西大將軍安樂王長樂為太

尉

樂音洛

尚書左僕射宜都王目辰為司徒南部尚書李

訢為司空

訢許斤翻

尊皇太后曰太皇太后復臨朝稱制

魏高

宗之殂顯祖方年十二馮太后臨朝稱制時宋太宗泰始二年也至次年太后歸政今既鳩顯祖而高祖尚幼故復臨朝復扶又翻朝直遙翻以馮熙爲侍中太師中書監熙自以外

戚固辭內任乃除都督洛州刺史

魏太宗取洛陽以晉司州爲洛州

侍

中太師如故顯祖神主祔太廟有司奏廟中執事之官

請依故事皆賜爵祕書令廣平程駿上言建侯裂地帝

王所重或以親賢或因功伐

以勞定國曰功積功曰伐

未聞神主祔

廟而百司受封者也皇家故事蓋一時之恩豈可爲長世之法乎太后善而從之謂羣臣曰凡議事當依古典

正言豈得但修

修當作循

故事乃賜駿衣一襲帛二百匹太

后性聰察知書計曉政事被服儉素

被皮義翻

膳羞減於故

事什七八而猜忿多權數高祖性至孝能承顏順志事

無大小皆仰成於太后

經典釋文仰如字又五亮翻

太后往往專決

不復關白於帝

復扶又翻

所幸宦者高平王琚安定張祐杞

嶷

康曰杞姓也出自夏后氏之後嶷魚力翻

馮翊王遇略陽苻承祖高陽王

質皆依勢用事祐官至尚書左僕射爵新平王琚官至

征南將軍爵高平王嶷等官亦至侍中吏部尚書刺史

爵爲公侯賞賜巨萬賜鐵券許以不死

康曰說文券契也釋名曰券繼

也相約束繼繼爲券也

又太卜令姑臧王叡得幸於太后超遷至

侍中吏部尚書爵太原公祕書令李冲雖以才進亦由

私寵賞賜皆不可勝紀

太和末年高菩薩之禍后啓之也后雖獲終其世禍及門戶矣

勝音升

又外禮人望東陽王丕游明根等皆極其優厚每

褒賞叡等輒以丕等參之以示不私丕烈帝之玄孫

拓跋

翳槐謚烈帝

冲寶之子也

魏世祖太平真君五年李寶入朝其子冲遂貴顯於魏

太后

自以失行畏人議已羣下語言小涉疑忌輒殺之然所

寵幸左右苟有小過必加笞箠或至百餘

箠止樂翻

而無宿

憾尋復待之如初或因此更富貴故左右雖被罰終無

離心

此史之所謂權數也吁行下孟翻復扶又翻被皮義翻

乙亥加蕭道成尚

書左僕射劉秉中書令

楊運長阮佃夫等忌建平王

景素益甚

通鑑書禍始於上卷上年佃音田

景素乃與錄事參軍陳郡

殷滿

比翻

中兵參軍略陽垣慶延參軍沈顥左暄等謀

爲自全之計

顥魚容翻

遣人往來建康要結才力之士

要讀日邀

冠軍將軍黃回游擊將軍高道慶輔國將軍曹欣之前

軍將軍韓道清長水校尉郭蘭之羽林監垣祗祖

漢東都之

制羽林左右監主羽林騎屬光祿勳至晉以羽林屬二衛而監不見於志當是江左復置冠古玩翻校戶教翻

皆陰與通謀武人不得志者無不歸之時帝好獨出游

走郊野欣之謀據石頭城伺帝出作亂道清蘭之欲說

蕭道成因帝夜出執帝迎景素道成不從者即圖之景

素每禁使緩之楊阮微聞其事遣傖人周天賜僞投景

素

好呼到翻說輸芮翻下譬說同伺相吏翻傖助庚翻江東人謂楚人別種為傖亦謂西北人為傖

勸

令舉兵景素知之斬天賜首送臺秋七月祗祖率數百

人自建康奔京口云京師已潰亂勸令速入景素信之  
戊子據京口起兵士民赴之者以千數楊阮聞祇祖叛  
走即命纂嚴已丑遣驃騎將軍任農夫領軍將軍黃回  
左軍將軍蘭陵李安民將步軍右軍將軍張保將水軍

以討之

驍堅堯翻騎奇寄翻任  
音士民將保將即亮翻

辛卯又命南豫州刺史

段佛榮爲都統

都統之名始此

蕭道成知黃回有異志故使安

民佛榮與之偕行

道成知黃回不附已既使之討景素  
又使之討沈攸之二難既平然後殺

之則足以知回於當時有幹略  
而道成智數又一時所不及者回私戒其士卒道逢京



口兵勿得戰道成屯玄武湖冠軍將軍蕭贇鎮東府

冠古

玩翻贇士革翻

始安王伯融都鄉侯伯猷皆建安王休仁之子

也楊阮忌其年長悉稱詔賜死景素欲斷竹里以拒臺

軍

長知兩翻斷丁管翻下斷峽同

垣慶延垣祗祖沈顥皆曰今天時旱

熱臺軍遠來疲困引之使至以逸待勞可一戰而克殷

灞等固爭不能得農夫等既至縱火燒市邑慶延等各

相顧望莫有關志景素本乏威畧恆擾不知所爲

恆去王翻

黃回迫於段佛榮且見京口軍弱遂不發張保泊西渚

西渚在京口城西  
今西津渡口是也

景素左右勇士數十人自相要結

一要

遙翻進擊水軍甲午張保敗死而諸將不相應赴復爲臺

軍所破

復扶又翻

臺軍既薄城下顯先帥衆走

帥讀曰率

祇祖次

之其餘諸軍相繼奔退獨左暄與臺軍力戰於萬歲樓

下而所配兵力甚弱不能敵而散乙未拔京口黃回軍

先入自以有誓不殺諸王乃以景素讓殿中將軍張倪

奴倪奴擒景素斬之并其三子同黨垣祇祖等數十人

皆伏誅蕭道成釋黃回高道慶不問撫之如舊

撫之所  
以安反

側事定之後是日解嚴丙申大赦初巴東建平蠻反沈

攸之遣軍討之及景素反攸之急追峽中軍以赴建康

巴東太守劉攘兵建平太守劉道欣疑攸之有異謀勒

兵斷峽不聽軍下攘兵子天賜爲荊州西曹

西曹者漢晉公府之

西曹掾攸之遣天賜往諭之攘兵知景素實反乃釋甲謝

愆攸之待之如故劉道欣堅守建平攘兵譬說不回乃

與伐蠻軍攻斬之

沈攸之用劉攘兵卒爲攘兵所禍蕭道成用黃回而權以濟事非用人之

難用勢之難也說翰芮翻

甲辰魏主追尊其母李貴人曰思皇后

李氏李惠之女高祖之母也為後李惠貴張本

八月丁卯立皇弟翺為南陽

王

翺呼會翻

嵩為新興王禧為始建王庚午以給事黃門

侍郎阮佃夫為南豫州刺史留鎮京師九月戊子賜

驍騎將軍高道慶死

驍堅亮翻騎奇寄翻

冬十月辛酉以吏部

尚書王僧虔為尚書左僕射十一月戊子魏以太尉

安樂王長樂為定州刺史司空李訢為徐州刺史

樂音洛訢

許斤翻

順皇帝

諱準字仲謀明帝第三子也小字知觀實桂陽王休範之子謚法慈和徧服曰

順蕭氏所以謹之曰順者以其順天命人心而禪代也

昇明元年

是年七月帝即位始改元昇明

春正月乙酉朔魏改元太和

己酉略陽民王元壽聚衆五千餘家自稱衝天王二

月辛未魏秦益二州刺史尉洛侯擊破之

秦益二州此魏所謂南秦

東益也尉紆勿翻

三月庚子魏以東陽王丕爲司徒夏四

月丁卯魏主如白登士申如崢山

崢音郭

初蒼梧王在

東宮好緣漆帳竿

好呼到翻

去地丈餘喜怒乖節主帥不能

禁

主帥謂東宮齋內主帥也帥所類翻

太宗屢敕陳太妃痛捶之

陳氏蒼梧王之

母也即位尊為太妃  
太妃垂止樂翻

及即帝位內畏太后太妃外憚諸大臣

未敢縱逸自加元服內外稍無以制數出遊行

數所角翻

始

出宮猶整儀衛俄而棄車騎帥左右數人或出郊野或

入市廛

騎寄翻下同帥讀曰率

太妃每乘青犢車

青犢車青蓋犢車也晉制諸王

青蓋車時有司奏皇太妃輿服一同晉孝武李太妃故事

隨相檢攝既而輕騎遠走

一二十里太妃不復能追

復扶又翻下同

儀衛亦懼禍不敢

追尋唯整部伍別往一處瞻望而已初太宗嘗以陳太

妃賜嬖人李道兒已復迎還生帝

已既也既而復迎之還也嬖卑義翻又博

計翻故帝每微行自稱劉統劉統自言統天下也猶符堅稱符詔桓玄稱桓詔或

稱李將軍常著小袴衫營署巷陌無不貫穿著陟畧翻穿如字又

樞絹或夜宿客舍或晝卧道傍排突廝養廝息移翻養餘亮翻韋昭

日析薪為廝炊烹為養又廝給養馬者與之交易或遭慢辱悅而受之凡

諸鄙事裁衣作帽過目則能未嘗吹簾簾音池以竹為之長八尺四寸

圓三寸周禮賈疏云簾八孔執管便韻韻諧也和也及京口既平驕恣尤

甚無日不出夕去晨返晨出暮歸從者並執鋌矛從才用翻

鋌音蟬又以行人男女及犬馬牛驢逢無免者民間擾

懼商販皆息門戶晝閉行人殆絕鉞椎鑿鋸不離左右

鉞與鉗同其淹  
翻離力智翻

小有忤意即加屠剖

忤五  
故翻

一日不殺則

慘然不樂殿省憂惶食息不保阮佃夫與直閣將軍申

伯宗等謀因帝出江乘射雉稱太后令喚隊仗還

樂音  
洛射

而亦翻隊有隊主  
副仗有仗主副

閉城門遣人執帝廢之立安成王準

事覺甲戌帝收佃夫等殺之太后數訓戒帝

數所  
角翻

帝不

悅會端午太后賜帝毛扇

毛扇蓋羽扇也  
宋略作太妃賜今從宋書

考異曰帝

嫌其不華令太醫煮藥欲鴆太后左右止之曰若行此



事官便應作孝子豈復得出入狡獪

復扶又翻下無復誰復同狡古巧翻

猶古外翻江南人謂小兒戲為狡獪

帝曰汝語大有理乃止六月甲戌有

告散騎常侍杜幼文司徒左長史沈勃游擊將軍孫超

之與阮佃夫同謀者帝登帥衛士自掩三家悉誅之

登

時

也登時猶言即時也散悉亶翻騎奇寄翻帥讀曰率

考異曰南史曰孝武二十八子太宗殺其十六餘皆

帝殺之按宋書孝武諸子十人早卒二人為景和所殺餘皆太宗殺之無及蒼梧時者南史誤也

剗解

鬻割嬰孩不免沈勃時居喪在廬

廬倚廬也禮居喪者居倚廬寢苦枕塊孟

康註曰倚廬倚牆至地而為之無楣柱孔穎達曰居倚廬者謂於中門之外東墻下倚木為廬又說曰凡非適

子自未葬倚於隱者為廬鄭注曰不欲人屬目蓋於東南角

左右未至帝揮刀獨前

勃知不免手搏帝耳唾罵之曰

唾湯卧翻

汝罪踰桀紂屠戮

無日遂死是日大赦帝嘗直入領軍府時盛熱蕭道成

晝卧裸袒

裸即果翻

帝立道成於室內晝腹寫的

畫讀與畫同

自

引滿將射之

射而亦翻下無復射箭射同

道成歛板曰老臣無罪左

右王天恩曰領軍腹大是佳射棚

棚補登翻射棚今言射垛也

一箭

便死後無復射不如以髀箭射之帝乃更以髀箭射正

中其齊

更工衡翻髀髀蒲交翻又蒲剝翻集韻云骨鏃也余謂骨鏃亦能害人况以之射人腹乎蓋當時

所謂髀箭者必非骨鏃  
中竹仲翻齊與臍同

投弓大笑曰此手何如帝忌道

成威名嘗自磨鋌曰明日殺蕭道成陳太妃罵之曰蕭

道成有功於國若害之誰復爲汝盡力邪

爲于  
僞翻

帝乃止

道成憂懼密與袁粲褚淵謀廢立粲曰主上幼年微過

易改

易以  
豉翻

伊霍之事非季世所行縱使功成亦終無全

地淵默然

淵於此時已  
心歸道成矣

領軍功曹丹陽紀僧真言於道

成曰今朝廷猖狂人不自保天下之望不在袁褚明公

豈得坐受夷滅存亡之機仰希熟慮道成然之

道成時  
爲中領

軍以僧真爲功曹希望也或勸道成奔廣陵起兵道成世子贍時爲

晉熙王長史行郢州事欲使贍將郢州兵東下會京口

將即亮翻道成密遣所親劉僧副告其從兄行青冀二州刺

史劉善明曰從才用翻人多見勸北固廣陵恐未爲長算今

秋風行起卿若能與垣東海微共勦虜則我諸計可立

亦告東海太守垣榮祖善明曰宋氏將亡愚智共知北

虜若動反爲公患公神武高世唯當靜以待之因機奮

發功業自定不可遠去根本自貽蹙蹙榮祖亦曰領府

去臺百步

領府謂領軍府也

公走人豈不知若單騎輕行

寄翻

廣陵人閉門不受公欲何之公今動足下牀恐即有叩

臺門者

言將有告之者

公事去矣紀僧真曰主上雖無道國家

累世之基猶爲安固公百口北度必不得俱縱得廣陵

城天子居深宮施號令目公爲逆何以避之此非萬全

策也道成族弟鎮軍長史順之

順之蕭衍之父也

考

梁書武帝紀自相國何至皇考一十餘世皆有名及官位蓋史官附會今所不取

及次子驃騎

從事中郎疑

驃匹妙翻騎奇寄翻疑魚力翻

皆以爲帝好單行道路於

此立計易以成功外州起兵鮮有克捷

好呼到翻易以豉翻鮮息淺翻

鮮少也

徒先人受禍耳

先悉薦翻

道成乃止東中郎司馬行會

稽郡事李安民欲奉江夏王躋起兵於東方

明帝泰始七年以皇

子躋繼江夏王義恭時蓋爲東中郎將以安民爲司馬行郡事也會工外翻夏戶雅翻躋牋西翻

道成

止之越騎校尉王敬則潛自結於道成夜著青衣扶匐

道路

著則略翻扶讀曰蒲說文曰手行也匐蒲北翻

爲道成聽察帝之往來道

成命敬則陰結帝左右楊玉夫楊萬年陳奉伯等二十

五人於殿中訶伺機便

爲干僞翻訶喧正翻又古迴翻伺候也伺相吏翻

秋七

月丁亥夜帝微行至領軍府門左右曰一府皆眠何不

緣牆入帝曰我今夕欲於一處作適

適意作戲謂之作適

宜待明

夕員外郎桓康等於道成門間聽聞之

此員外郎蓋員外散騎郎也

戊子帝乘露車與左右於臺岡賭跳

臺岡意即臺城之來岡也賭跳者賭

跳

躑以高者爲勝也跳音他弔翻考異曰南史作蠻岡今從宋書

仍往青園尼寺

尼女夷翻

晚至新安寺

孝武寵姬殷貴妃死爲之立寺貴妃子子鸞封新安王故以新安爲寺名

偷狗

就曇度道人煮之

曇徒含翻

飲酒醉還仁壽殿寢楊玉夫常

得帝意至是忽憎之見輒切齒曰明日當殺小子取肝

肺是夜令玉夫伺織女渡河

續齊諧記曰桂陽成武丁有仙道謂其弟曰七月七

日織女當度河弟問曰織女何事度河答曰織女暫詣牽牛人至今云織女嫁牽牛也崔寔四時民令曰或云

見天漢中弈弈有正白氣光耀五色以此爲徵應曰見當報我不見將殺汝時

帝出入無常省內諸閣夜皆不閉廂下畏相逢值無敢

出者宿衛並逃避內外莫相禁攝是夕王敬則出外玉

夫伺帝熟寢與楊萬年取帝防身刀刻之

御左右防身刀即所謂千

牛刀也刻扶粉翻

敕廂下奏伎

伎渠綺翻

陳奉伯袖其首依常行法

稱敕開承明門出以首與敬則敬則馳詣領軍府叩門



大呼

呼火故翻

蕭道成慮蒼梧王誑之不敢開門

誑居況翻

敬則

於牆上投其首道成洗視乃戎服乘馬而出敬則桓康

等皆從入宮至承明門詐爲行還敬則恐內人覘見以

刀環塞窰孔

覘丑廉翻又丑艷翻塞悉則翻窰孔即古之所謂圭竇也窰古携翻又音携呼

門甚急門開而入佗夕蒼梧王每開門門者震懾不敢

仰視至是弗之疑

懾之涉翻尉丞顏靈寶

考異曰齊高帝紀云衛窺見太祖乘馬在外竊

謂親人曰今若不開內領軍入天下會是亂耳按靈寶若語所親則須有知者豈得宿衛晏然不動今從宋後

廢帝紀

道成入殿殿中驚怖

怖普布翻

既而聞蒼梧王死咸稱

萬歲己丑旦道成戎服出殿庭槐樹下以太后令召袁

粲褚淵劉秉入會議道成謂秉曰此使君家事何以斷

之

使疏吏翻  
斷丁亂翻

秉未答道成須髯盡張目光如電秉曰尚

書衆事可以見付軍旅處分

須與髯同處昌  
呂翻分扶問翻

一委領軍

道成次讓袁粲粲亦不敢當王敬則拔白刃在牀側跳

躍曰天下事皆應關蕭公敢有開一言者血染敬則刀

仍手取白紗帽加道成首

五代志帽自天子下及士人  
通冠之以白紗者名高頂帽

皇太子在上省則烏紗在永福則白紗蓋貴白紗也杜  
佑曰宋制黑帽綴紫襍襍以繒為之長四寸廣一寸後

制高屋白紗帽令即位曰今日誰敢復動事須及熱道成正色

呵之曰卿都自不解

復扶又翻呵虎何翻解戶買翻曉也

粲欲有言敬則

叱之乃止褚淵曰非蕭公無以了此手取事授道成

褚淵

手取其事以授道成自道成曰相與不肯我安得辭乃

下議備法駕詣東城迎立安成王

東城即東府城也

於是長刀

遮粲秉等各失色而去

觀史所書會議之際道成目光如電須髯盡張王敬則拔白刃

跳躍繼又以長刀遮粲秉等事勢可知矣粲秉於此時聲其弑君之罪以身死之猶不愧於仇牧何待至石頭

邪秉出於路逢從弟韞

從才用翻

韞開車迎問曰今日之事

當歸兄邪秉曰吾等已讓領軍矣韞拊膺曰兄肉中詎

有血邪今年族矣

宋事去矣自中人以下皆知之

是日以太后令數蒼

梧王罪惡

數所具翻

曰吾密令蕭領軍潛運明略安成王準

宜臨萬國追封昱爲蒼梧王儀衛至東府門安成王令

門者勿開以待袁司徒粲至王乃入居朝堂

史言袁粲爲一時倚

重朝直遙翻

壬辰王即皇帝位時年十一改元大赦

改元昇明葬

蒼梧王於郊壇西

南郊壇在臺城南已地世祖大明三年移南郊壇於牛頭山以正陽位

魏京兆康王子推卒 甲午蕭道成出鎮東府丙申

以道成爲司空錄尚書事驃騎大將軍

驃匹妙翻  
騎奇寄翻

袁粲

遷中書監褚淵加開府儀同三司劉秉遷尚書令加中

領軍以晉熙王燮爲揚州刺史劉秉始謂尚書萬機本

以宗室居之則天下無變既而蕭道成兼總軍國布置

心膂與奪自專褚淵素相憑附秉與袁粲閣手仰成矣

閣手者高拱充位而無所爲  
兩手若有所閣也仰牛向翻辛丑以尚書右僕射王僧

虔爲僕射丙午以武陵王贊爲郢州刺史蕭道成改領

南徐州刺史八月壬子魏大赦癸亥詔袁粲鎮石

頭粲性冲靜每有朝命常固辭

朝直遙翻

逼切不得已乃就

職至是知蕭道成有不臣之志陰欲圖之即時順命

爲袁

粲以石頭死節張本

初太宗使陳昭華母養順帝戊辰尊昭華

爲皇太妃

魏明帝置昭華晉武帝制淑妃淑媛淑儀修華修容修儀婕妤充華容華爲九嬪而昭華

之號不復見至宋孝武制以昭儀昭容昭華代修華修儀修容也

丙子魏詔曰工商

皂隸各有厥分

分扶問翻

而有司縱濫或染流俗自今戶內

有工役者唯止本部丞

流俗北史作清流此蓋以當時授官不分流品故詔凡工役之

戶官止本部丞

若有勲勞者不從此制

蕭道成固讓司空庾

辰以為驃騎大將軍開府儀同三司 九月乙酉魏更

定律令

更工衡翻

戊申封楊玉夫等二十五人為侯伯子

男 冬十月氏帥楊文度遣其弟文弘襲魏仇池陷之

帥所類翻

考異曰魏書本紀作揚毚氏傳作鼠皆避顯祖諱也

初魏徐州刺史李

訢事顯祖為倉部尚書

晉武帝始置倉部即屬度支尚書倉部尚書後魏所置也即前

太倉尚書 訢許斤翻 信用盧奴令范擿訢弟左將軍瑛諫曰

考異曰

魏典擿作標瑛作璞今從魏書 范擿能降人以色假人

余按擿與標同卑遙翻瑛音英 以財輕德義而重勢利聽其言也甘察其行也賊不早

絕之後悔無及訢不從腹心之事皆以語擿

語下孟翻語牛倨翻

尚書趙黑與訢皆有寵於顯祖對掌選部

選須絹翻

訢以其

私用人爲方州

古者八州八伯謂之方伯後世遂以州刺史爲方州

黑對顯祖發

之由是有隙頃之訢發黑前爲監藏

監古銜翻藏徂浪翻

盜用官

物黑坐黜爲門士黑恨之寢食爲之衰少踰年復入爲

侍中尚書左僕射領選

爲于僞翻復扶又翻下我復黑復同

及顯祖殂黑

白馮太后稱訢專恣出爲徐州范擿知太后怨訢

以其告李

敷也事見一百三十二卷明帝泰始六年訢爲太倉尚書亦在是年也

乃告訢謀外叛太



后徵訢至平城問狀訢對無之太后引擿使證之訢謂  
擿曰汝今誣我我復何言然汝受我恩如此之厚乃忍  
爲爾乎擿曰擿受公恩何如公受李敷恩公忍爲之於  
敷擿何爲不忍於公訢慨然嘆曰吾不用瑛言悔之何  
及趙黑復於中構成其罪丙子誅訢及其子令和令度  
黑然後寢食如故十一月癸未魏征西將軍皮歡喜  
等三將軍率衆四萬擊楊文弘丁亥魏懷州民伊祁  
苟自稱堯後

堯伊祁氏故云然

聚衆於重山作亂

重山即河內重門之山在

共縣北重 洛州刺史馮熙討滅之馮太后欲盡誅闔城

直龍翻

之民雍州刺史張白澤諫曰凶渠逆黨盡已梟夷

魏雍州統

京兆扶風馮翊咸陽北地平秦武都等郡凶渠謂城中

渠魁也孔安國曰渠大也雍於用翻梟堅克翻

豈無忠良仁信之士柰何不問白黑一切誅之乃止

十二月魏皮歡喜軍至建安

水經注楊定自隴右徙治歷城去仇池百二十里歷

城後改為建安城 考異曰是年楊文弘棄城走 初

魏置閭在十一月宋之十二月也

沈攸之與蕭道成於大明景和之間同直殿省深相親

善道成女爲攸之子中書侍郎文和婦攸之在荊州直

閻將軍高道慶家在華容

華容縣自漢以來屬南郡按九域志今江陵府石首縣建

寧鎮即其地宋白曰江陵府監利縣本漢華容縣地

假還過江陵

假居訐翻休假也過工未翻

與攸之爭戲掣

掣色角翻

馳還建康言攸之反狀已成請以

三千人襲之執政皆以爲不可道成仍保證其不然楊

運長等惡攸之

惡鳥路翻

密與道慶謀遣刺客殺攸之不克

會蒼梧王遇弒主簿宗儼之功曹臧寅勸攸之因此起

兵攸之以其長子元琰在建康爲司徒左長史故未發

長知兩翻寅凝之之子也

臧凝之見一百二十七年宋文帝元嘉三十年

時楊運長

等已不在內

已出爲外官不在省內也

蕭道成遣元琰以蒼梧王剗

斲之具示攸之攸之以道成名位素出已下一旦專制

朝權心不平

斲則略翻朝直遙翻

謂元琰曰吾寧爲王凌死不爲

賈充生

王凌賈充事並見魏紀

然亦未暇舉兵乃上表稱慶因留

元琰雍州刺史張敬兒素與攸之司馬劉攘兵善

雍於用翻

疑攸之將起事密以問攘兵攘兵無所言寄敬兒馬銕

一隻

銕都鄧翻

敬兒乃爲之備攸之有素書十數行

行戶常剛翻

韜在襠褠角

博雅曰襠褠謂之襠腹襠里養翻褠都郎翻

云是明帝與已約

誓攸之將舉兵其妾崔氏諫曰官年已老那不爲百口

計宋齊之間義從私屬以攸之指襖襠角示之且稱太

至婢僕率呼其主爲官

后使至賜攸之

使疏吏翻下同

燭割之得太后手令云社稷之

事一以委公於是勒兵移檄遣使邀張敬兒及豫州刺

史劉懷珍梁州刺史梓潼范栢年司州刺史姚道和湘

州行事庾佩玉

南陽王翻未至故庾佩玉行府州事

巴陵內史王文和同

舉兵敬兒懷珍文和並斬其使馳表以聞文和尋棄州

奔夏口

巴陵非州也州當作郡夏戶雅翻

栢年道和佩玉皆懷兩端道

和後秦高祖之孫也

後秦主姚興廟號高祖

辛酉攸之遣輔國將

軍孫同等相繼東下攸之遣道成書

遺于季翻

以爲少帝昏

狂

少詩照翻

宜與諸公密議共白太后下令廢之柰何交結

左右親行弑逆乃至不殯流蟲在戶凡在臣下誰不惋

駭又移易朝舊

朝舊謂朝廷舊臣也惋烏貫翻朝直遠翻下同

布置親黨宮閣

管籥悉關家人吾不知子孟孔明遺訓固如此乎

霍光字子

孟諸葛亮字孔明

足下既有賊宋之心吾寧敢捐包胥之節邪

申包胥乞秦師以存楚事見左傳

朝廷聞之恐懼

恐許拱翻

丁卯道成入守

朝堂命侍中蕭巖代鎮東府

巖魚力翻

撫軍行參軍蕭映鎮

京口映巖之弟也戊辰内外纂嚴巳巳以郢州刺史武

陵王贊爲荊州刺史庚午以右衛將軍黃回爲郢州刺

史督前鋒諸軍以討攸之初道成以世子贍爲晉熙王

燮長史行郢州事修治器械以備攸之

道成平桂陽之難進爵縣公以

贍爲世子贍士革翻治直之翻

及徵燮爲揚州以贍爲左衛將軍與燮

俱下劉懷珍言於道成曰夏口衝要宜得其人道成與

贍書曰汝既入朝當須文武兼資與汝意合者委以後

事蹟乃薦熒司馬柳世隆自代道成以世隆爲武陵王贊長史行郢州事蹟將行謂世隆曰攸之一旦爲變焚

夏口舟艦

夏戶雅翻艦戶黠翻

汧流而東不可制也若得攸之留

攻郢城必未能猝拔君爲其內我爲其外破之必矣及

攸之起兵蹟行至尋陽未得朝廷處分

處昌呂翻分扶問翻

衆欲

倍道趨建康

趨七喻翻

蹟曰尋陽地居中流密邇畿甸若留

屯湓口內藩朝廷外援夏首

夏首即夏口

保據形勝控制西

南今日會此天所置也或以爲湓口城小難固左中郎



將周山圖曰今據中流爲四方勢援不可以小事難之

苟衆心齊一江山皆城隍也庚午贛奉燮鎮湓口贛悉

以事委山圖山圖斷取行旅船板以造樓櫓立水柵斷

管翻立柵於水中曰水柵旬日皆辦道成聞之喜曰贛真我子也以

贛爲西討都督贛啓山圖爲軍副時江州刺史邵陵王

友鎮尋陽贛以爲尋陽城不足固表移友同鎮湓口尋陽

時治柴桑今江州德化西南九十里有柴桑山湓口在德化縣西一里江州治德化蓋近湓口古城處留

江州別駕豫章胡諧之守尋陽湘州刺史王蘊遭母喪

罷歸至巴陵與沈攸之深相結

巴陵距江陵四百餘里蓋使命往來深相結也

時攸之未舉兵蘊過郢州欲因蕭贍出弔作難據郢城

贍知之不出還至東府又欲因蕭道成出弔作難道成

又不出

作難者欲殺之也難乃旦翻

蘊乃與袁粲劉秉密謀誅道成

將帥黃回任侯伯孫曇瓘王宜興卜伯興等皆與通謀

將即亮翻帥所類翻任音壬曇徒含翻

伯興天與之子也

卜天與死於元凶劬之難道

成初聞攸之事起自往詣粲粲辭不見通直郎袁達謂

粲不宜示異同

通直郎通直散騎侍郎也晉武帝置員外散騎侍郎元帝泰興二年使二人與

散騎侍郎同員直故謂之通直散騎侍郎也

粲曰彼若以主幼時艱與桂陽

時不異

謂桂陽王休範反時也

劫我入臺我何辭以拒之一朝同

止欲異得乎道成乃召褚淵與之連席每事必引淵共

之

果如袁粲所料

時劉韞爲領軍將軍入直門下省

考異曰南齊書韞

作韜今從宋書南史

伯興爲直閣黃回等諸將皆出屯新亭

將即

亮翻

初褚淵爲衛將軍遭母憂去職朝廷敦迫不起粲素

有重名自往譬說

譬說猶說喻也說輸芮翻

淵乃從之及粲爲尚書

令遭母憂淵譬說懇至粲遂不起淵由是恨之

淵之恨粲以其

奪已志而使之失爲子之道也而殺粲以傾及沈攸之  
宋又失爲臣之節曰忠與孝二者淵胥失焉

事起道成與淵議之淵曰西夏釁難事必無成  
夏戶雅翻釁許

覲翻難公當先備其內耳  
謂備袁粲等也 粲謀既定將以告淵

衆謂淵與道成素善不可告粲曰淵與彼雖善豈容大

作同異今若不告事定便應除之乃以謀告淵  
袁粲猶以故意

待褚淵也 淵即以告道成道成亦先聞其謀遣軍主蘇烈薛

淵太原王天生將兵助粲守石頭薛淵固辭道成彊之

將即亮翻淵不得已涕泣拜辭道成曰卿近在石頭日  
彊其兩翻

夕去來何悲如是且又何辭淵曰不審公能保袁公共  
爲一家否今淵往與之同則負公不同則立受禍何得  
不悲道成曰所以遣卿正爲能盡臨事之宜使我無西  
顧之憂耳

石頭在臺城西故  
云然爲于偽翻

但當努力無所多言淵安

都之從子也

從才用翻

道成又以驍騎將軍王敬則爲直閣

驍堅克翻  
騎奇寄翻

與伯興共總禁兵槩謀矯太后令使韞伯興

帥宿衛兵攻道成於朝堂

帥讀曰率下同朝直遙翻

回等帥所領爲

應劉秉任候伯等並赴石頭本期壬申夜發秉恒擾不

知所爲晡後即束裝臨去啜羹寫曾上手振不自禁

恒去

王翻振當作震戰也動也禁音居吟翻勝也

未暗載婦女盡室奔石頭部曲

數百赫奕滿道既至見粲粲驚曰何事遽來今敗矣

秉奔

石頭則事大露故云必敗

秉曰得見公萬死何恨孫曇瓘聞之亦奔

石頭丹陽丞王遜等走告道成事乃大露遜僧綽之子

也

王僧綽柄用於元嘉之季

道成密使人告王敬則時閤已閉敬則

欲開閤出卜伯興嚴兵爲備敬則乃鋸所止屋壁得出

至中書省收韞韞已成嚴

嚴裝也成嚴謂裝束已成俟期而發也

列燭自

照見敬則猝至驚起迎之曰兄何能夜顧敬則呵之曰

小子那敢作賊韞抱敬則敬則拳毆其頰仆地而殺之

呵虎何翻又殺伯興伯興父子俱蘇烈等據倉城拒

粲倉城石頭王蘊聞秉已走歎曰事不成矣狼狽帥部

曲數百向石頭帥讀曰率下同考異曰宋書云齊王

私衆倏忽之間被甲數百莫知所從出按道本期開南

門時暗夜薛淵據門射之射而蘊謂粲已敗即散走道

成遣軍主會稽戴僧靜帥數百人向石頭助烈等會工

自倉門得入與之并力攻桀孫曇瓘驍勇善戰臺軍死者百餘人王天生殊死戰故得相持自亥至丑戴僧靜分兵攻府西門焚之桀與秉在城東門見火起欲還赴府秉與二子侯陔踰城走

侯牛矩翻陔柯開翻

桀下城列燭自照

謂其子最曰本知一木不能止大厦之崩但以名義至此耳僧靜乘暗踰城獨進最覺有異人以身衛桀僧靜直前斫之桀謂最曰我不失忠臣汝不失孝子遂父子俱死

考異曰南史云僧靜奮刀直前欲斬之子最叫抱父乞先死兵士人人莫不隕涕桀曰我不失忠



臣汝不失孝子仍求筆作啓云臣義奉大宋策名兩界  
今便歸窴墳隴永就山邱僧靜乃并斬之按時僧靜掩  
槩不備挺身直往安肯容槩作啓從  
容如此宋書皆無此等事今不取  
百姓哀之謠曰可

憐石頭城寧爲袁槩死不作褚淵生劉秉父子走至額

檐湖

蕭子顯齊書作雄  
檐湖檐余廉翻

追執斬之任候伯等並乘船赴

石頭既至臺軍已集不得入乃馳還黃回嚴兵期詰旦

帥所領從御道直向臺門攻道成

詰去吉翻  
帥讀曰率

聞事泄不

敢發道成撫之如舊王蘊孫曇瓘皆逃竄先捕得蘊斬  
之其餘槩黨皆無所問槩典籤莫嗣祖爲槩秉宣通密

謀道成召詰之曰袁粲謀反何不啓聞嗣祖曰小人無

識但知報恩何敢泄其大事今袁公已死義不求生蘊

嬖人張承伯藏匿蘊道成並赦而用之

史言蕭道成能  
棄怨錄才嬖卑

義翻又  
博計翻

粲簡淡平素而無經世之才好飲酒喜吟諷

呼好

到翻喜  
許記翻

身居劇任不肯當事主事每往諮決

主事尚書  
省主事也

尚書諸曹  
各有主事

或高詠對之閒居高卧門無雜賓物情不接

故及於敗

裴子野論曰袁景倩民望國華

袁粲字  
景倩

受付託之重

智不足以除姦權不足以處變

處昌呂翻

蕭條散落危而

不扶及九鼎既傾三才將換區區斗城之裏

斗城言城如斗

大出萬死而不辭蓋蹈匹夫之節而無棟梁之具矣

裴子野之論有春秋責備賢者之意故通鑑取之

甲戌大赦 乙亥以尚書僕射王僧虔爲左僕射新除

中書令王延之爲右僕射度支尚書張岱爲吏部尚書

度徒洛翻

吏部尚書王奐爲丹陽尹延之裕之孫也劉秉弟

遐爲吳郡太守司徒右長史張瓌永之子也

張永歷事文武明三

帝瓌古遭父喪在吳家素豪盛蕭道成使瓌伺間取遐

回翻問古會遐召瓌詣府瓌帥部曲十餘人直入齋中執遐

斬之帥讀郡中莫敢動道成聞之以告瓌從父領軍冲

冲曰瓌以百口一擲出手得盧矣從才用翻搏道成即

以瓌爲吳郡太守道成移屯閱武堂猶以重兵付黃回

使西上而配以腹心配以腹心所以防回素與王宜興

不協恐宜興反告其謀閏月辛巳因事收宜興斬之諸

將皆言回握彊兵必反將即亮寧朔將軍桓康請獨往

翻下同

刺之

刺七亦翻

道成曰卿等何疑彼無能爲也

史言道成才識雄於一時

沈攸之遣中兵參軍孫同等五將以三萬人爲前驅司

馬劉攘兵等五將以二萬人次之又遣中兵參軍王靈

秀等四將分兵出夏口據魯山癸巳攸之至夏口

異曰考

沈約齊紀十一月攸之遂謀爲亂張敬兒遣使詣攸之慶冬攸之呼使人於密室謂之曰奉皇太后令得袁司徒劉丹陽諸人書呼我速下可令雍州知此意答敬兒書曰信口一二而封雞毛桃耳數物置函中敬兒賀冬使即乘驛白公十二日壬辰攸之遣孫同等先發十七日丁酉張敬兒使至十八日戊戌公率衆入鎮朝堂閏月十四日癸巳攸之至夏口按是歲宋歷閏十二月庚辰朔魏歷閏十一月庚戌朔然則冬至必在十一月晦

攸之對敬兒賀冬使者猶隱祕豈可十二日已發兵東下乎又攸之若十二日已舉兵於江陵豈可六十餘日始至夏口又宋順帝紀十二月攸之反丁卯齊王入守朝堂丁卯乃十二月十八日也閏月癸巳攸之圍郢城攸之傳十一月反十二月十二日遣孫同等東下閏月十四日至夏口宋畧十二月沈攸之作亂丁卯蕭道成入屯朝堂閏月癸巳攸之師及郢州南齊高帝紀十二月攸之舉兵乙卯太祖入居朝堂諸書大抵畧相符合惟齊紀不同蓋齊紀之誤今不取

自恃兵彊有驕色以郢城弱小不足

攻云欲問訊安西暫泊黃金浦

時武陵王贊蓋以安西將軍鎮郢黃金浦在鸚

鵠洲上相傳以爲吳將黃蓋屯兵於此得名

遣人告柳世隆曰被太后令當

暫還都

被皮義翻

卿既相與奉國想得此意世隆曰東下之

師久承聲問郢城小鎮自守而已宗儼之勸攸之攻郢

城臧寅以爲郢城兵雖少而地險

少詩  
沼翻

攻守勢異非旬

日可拔若不時舉

孟子曰以萬乘之國伐萬乘之國五  
旬而舉之戰國策白起一戰而舉鄢

郢舉拔也挫銳損威今順流長驅計日可捷既傾根本郢城

豈能自固攸之從其計欲留偏師守郢城自將大衆東

下

將即  
亮翻

乙未將發柳世隆遣人於西渚挑戰

鸚鵡洲之  
西渚挑徒

了翻前軍中兵參軍焦度於城樓上肆言罵攸之且穢辱

之攸之怒改計攻城令諸軍登岸燒郭邑築長圍晝夜

攻戰世隆隨宜拒應攸之不能克道成命吳興太守沈

文季督吳錢唐軍事

五代史志曰餘杭郡錢唐縣舊置錢唐郡蓋此時置也

文季

收攸之弟新安太守登之誅其宗族

沈攸之殺沈慶之文季因事以報父

仇

乙未以後軍將軍楊運長爲宣城太守於是太宗

嬖臣無在禁省者矣

嬖早義翻又博計翻

沈約論曰夫人君南面九重奧絕

重直龍翻

陪奉朝夕義

隔卿士堦闥之任宜有司存既而恩以狎生信由恩

固無可憚之姿有易親之色

易以政翻

孝建泰始王威獨



運而刑政糾雜理難通通耳目所寄事歸近習及覘

歡愠候慘舒動中主情舉無謬旨

覘丑廉翻又丑  
艷翻中竹仲翻人

主謂其身卑位薄以爲權不得重曾不知鼠憑社貴

狐藉虎威

漢中山靖王勝曰社鼠不熏所託者然也  
楚江乙曰虎求百獸而食之得狐狐曰子

無食我天帝使我長百獸子以我爲不信吾爲子先  
行子隨我後百獸見我而敢不走乎虎以爲然遂與  
之行獸見之皆走虎不知百獸  
畏己而皆走也以爲畏狐也外無逼主之嫌內有

專用之效勢傾天下未之或悟及太宗晚運慮經盛

衰權倖之徒惴惴宗戚

惴之  
涉翻

欲使幼主孤立永竊國

權構造同異興樹禍隙帝弟宗王相繼屠勦

謂殺建安諸王

也勦子

寶祚夙傾實由於此矣

小翻

辛丑尚書左丞濟陽江謚建議假蕭道成黃鉞

濟子禮翻

從

之加北秦州刺史武都王楊文度都督北秦雍二州

諸軍事以龍驤將軍楊文弘爲畧陽太守

雍於用翻驤思將

士

寅魏皮歡喜拔葭蘆斬文度魏以楊難當族弟廣香爲

陰平公葭蘆戍主仍詔歡喜築駱谷城文弘奉表謝罪

於魏遣子苟奴入侍魏以文弘爲南秦州刺史武都王

乙巳蕭道成出頓新亭謂驃騎參軍江淹曰

道成爲驃騎大

將軍以淹爲參軍驃騎妙翻騎奇寄翻下同

天下紛紛君謂何如淹曰成敗

在德不在衆寡公雄武有奇畧一勝也寬容而仁恕二勝也賢能畢力三勝也民望所歸四勝也奉天子以伐叛逆五勝也彼志銳而器小一敗也有威而無恩二敗也士卒解體三敗也縉紳不懷四敗也懸兵數千里而無同惡相濟五敗也雖豺狼十萬終爲我獲道成笑曰君談過矣南徐州行事劉善明言於道成曰攸之收衆

聚騎造舟治械包藏禍心於今十年

明帝泰始五年沈攸之刺郢州已懷

異志至是適十年治直之翻

性既險躁才非持重

躁則到翻

而起逆累旬

遲迴不進一則暗於兵機二則人情離怨三則有掣肘

之患

掣昌列翻

四則天奪其魄本慮其剽勇輕速

剽匹妙翻

掩襲

未備決於一戰今六師齊奮諸侯同舉此籠中之鳥耳

蕭贖問攸之於周山圖山圖曰攸之相與鄰鄉

攸之吳興人而

山圖義興人故曰鄰鄉

數共征伐

數所角翻

頗悉其人性度險刻士心

不附今頓兵堅城之下適所以爲離散之漸耳

二年春正月己酉朔百官戎服入朝

朝直遙翻

沈攸之盡銳

攻郢城柳世隆乘間屢破之

間古覓翻

蕭贍遣軍主桓敬等

八軍據西塞

西塞山在今武昌縣東百三十里界於兩山之間土俗編曰吳楚舊境分界於此

爲世隆聲援攸之獲郢府法曹南鄉范雲使送書入城

餉武陵王贊犢一羸

羸苦江翻

柳世隆魚三十尾皆去其首

去羗呂翻

城中欲殺之雲曰老母弱弟懸命沈氏若違其命

禍必及親今日就戮甘心如薺

詩谷風誰謂荼苦其甘如薺此謂甘心就死如

薺薺也薺齊禮翻

乃赦之攸之遣其將皇甫仲賢向武昌中兵

參軍公孫方平向西陽武昌太守臧渙降於攸之西陽

太守王毓奔湓城

將即亮翻降戶江翻湓蒲奔翻

方平據西陽豫州刺

史劉懷珍遣建寧太守張謨等將萬人擊之

豫州有建寧左郡孝

武大明八年省郡爲建寧左縣屬西陽郡尋復爲郡蓋皆蠻左所居地也五代志永安郡麻城縣有梁北西陽

縣又有建寧郡將即亮翻

辛酉方平敗走平西將軍黃回等軍至西

陽沂流而進

沂蘇故翻

攸之素失人情但劫以威力初發江

陵已有逃者及攻郢城三十餘日不拔逃者稍多攸之

日夕乘馬歷營撫慰而去者不息攸之大怒召諸軍主

曰我被太后令

被皮義翻

建義下都大事若克白紗帽共著

耳

著則畧翻

如其不振朝廷自誅我百口不關餘人比軍人

叛散

比毗至翻

皆卿等不以爲意我亦不能問叛身自今軍

中有叛者軍主任其罪

任音士

於是二人叛遣人追之亦

去不返莫敢發覺咸有異計劉攘兵射書入城請降

射而

亦翻

柳世隆開門納之丁卯夜攘兵燒營而去軍中見火

起爭棄甲走將帥不能禁

將即亮翻帥所類翻

攸之聞之怒銜須

咀之

自咀其須怒之甚也須與鬚同咀音在呂翻嚼也

收攘兵兄子天賜女壻

張平虜斬之向旦攸之帥衆過江至魯山

大別山一名魯山在今漢

陽軍沔陽縣東一里江水逕其南漢水從西北來注之帥讀曰率

軍遂大散

考異曰宋略云甲

辰攸之衆潰乙巳華容民斬其首按是月乙酉朔無甲辰乙巳諸將皆走臧寅曰幸其

成而弃其敗吾不忍爲也乃投水死攸之猶有數十騎

自隨宣令軍中曰荊州城中大有錢可相與還取以爲

資糧郢城未有追軍而散軍畏蠻抄

此蠻即緣沔而居者騎奇寄翻抄楚

交更相聚結可二萬人隨攸之還江陵張敬兒既斬攸

之使者即勒兵偵攸之下遂襲江陵

偵丑正攸之使子



元琰與兼長史江又別駕傳宣共守江陵城敬兒至沙

橋觀望未進城中夜聞鶴唳謂爲軍來又宣開門出走

吏民崩潰元琰奔寵洲

寵洲近樂鄉楊正衡晉書音義曰寵力量翻

爲人所

殺敬兒至江陵

考異曰宋畧云辛未敬兒克江陵按已已攸之以敬兒據城走死不容敬兒

至辛未乃入城也

誅攸之二子四孫攸之將至江陵百餘里聞

城已爲敬兒所據士卒隨之者皆散攸之無所歸與其

子文和走至華容界皆縊於櫟林

櫟郎狄翻木名柞屬

已巳村民

斬首送江陵敬兒擊之以楯覆以青繖

楯食尹翻覆數又翻繖蘇旰翻

也蓋徇諸市郭乃送建康敬兒誅攸之親黨收其財物數

十萬皆以入私初倉曹參軍金城邊榮爲府錄事所辱

攸之爲榮鞭殺錄事

爲于  
偽翻

及敬兒將至榮爲留府司馬

或說之使詣敬兒降

說輸  
芮翻

榮曰受沈公厚恩共如此大

事一朝緩急便易本心吾不能也城潰軍士執以見敬

兒敬兒曰邊公何不早來榮曰沈公見留守城不忍委

去本不祈生

祈求也  
告也

何須見問敬兒曰死何難得命斬

之榮歡笑而去榮客太山程邕之抱榮曰與邊公周遊

不忍見邊公死乞先見殺兵人不得行戮以白敬兒敬

兒曰求死甚易何爲不許先殺邕之然後及榮軍人莫

不垂泣

易以政翻士爲知己死邊榮程邕之俱有焉

孫同宗儼之等皆伏誅

宗儼之與臧寅勸攸之舉兵孫同爲軍鋒

丙子解嚴以侍中柳世隆爲尚書

右僕射蕭道成還鎮東府丁丑以右衛將軍蕭贍爲江

州刺史侍中蕭嶷爲中領軍

贍士革翻嶷魚力翻

二月庚辰以尚

書左僕射王僧虔爲尚書令右僕射王延之爲左僕射

癸未加蕭道成太尉都督南徐等十六州諸軍事

蕭子顯齊

書都督南徐南兗徐兗青冀司以衛將軍褚淵爲中書  
豫荆雍襄郢梁益廣越十六州

監司空道成表送黃鉞

上流已定故表還黃鉞

吏部郎王儉僧綽

之子也神彩淵曠好學博聞少有宰相之志時論亦推

許之道成以儉爲太尉右長史

太尉府時置左右長史好呼到翻少詩照翻相

息亮待遇隆密事無大小專委之 丁亥魏主如代湯

泉

此魏代都之湯泉也言代湯泉者以别下洛縣橋山之湯泉魏土地記曰代城北九十里

有桑乾城城西渡桑乾水去城十里有温湯療疾有驗又下洛縣西南四十里有橋山下有温泉

癸卯還 宕

昌王彌機初立三月丙子魏遣使拜彌機征南大將軍

梁益二州牧河南公宕昌王

宕徒浪翻  
使疏吏翻

黃回不樂在

郢州

樂音洛

固求南兖遂帥部曲輒還

帥讀曰率

辛卯改都督

南兖等五州諸軍事南兖州刺史

黃回刃在其頸乃輒東還此送死也

初王蘊去湘州湘州刺史南陽王翽未之鎮

翽明帝子也音呼會

翻

長沙內史庾佩玉行府事翽先遣中兵參軍韓幼宗

將兵戍湘州與佩玉不相能及沈攸之反兩人互相疑

佩玉襲殺幼宗黃回至郢州遣輔國將軍任侯伯行湘

州事侯伯輒殺佩玉冀以自免

任侯伯黃回皆與袁劉同謀任音士

湘州

刺史呂安國之鎮蕭道成使安國誅侯伯 夏四月甲

申魏主如崞山丁亥還

還從宣翻  
又如字

蕭道成以黃回終

爲禍亂回有部曲數千人欲遣收恐爲亂辛卯召回入

東府至停外齋使桓康將數十人數回罪而殺之并其

子竟陵相僧念

道成翦除異已至是盡  
矣數所具翻相息亮翻

甲午以淮南

宣城二郡太守蕭映行南兖州事仍以其弟晃代之

淮南

宣城逼近京邑故  
道成不以授他人

五月魏禁皇族貴戚及士民之家

不顧氏族下與非類昏偶犯者以違制論 魏主與太

后臨虎圈

圖求遠翻

有虎逸登閣道幾至御座侍衛皆驚靡

幾居希翻靡披靡也

吏部尚書王叡執戟禦之太后稱以爲忠親

任愈重

史言馮后假公義以成其私

六月丁酉以輔國將軍楊文

弘爲北秦州刺史武都王

庚子魏皇叔若卒

蕭道

成以大明以來公私奢侈秋八月奏罷御府

御府令自漢以來有

之漢屬少府晉屬光祿勳據宋紀世祖大明四年改細作署令爲左右御府令

省二尚方彫飾

器玩辛卯又奏禁民間華僞雜物凡十七條

按蕭子顯齊書表禁

不得以金銀爲箔馬乘具不得金銀度不得織成繡裙道路不得著錦履不得用紅色爲幡蓋衣服不得剪綠

帛爲雜花不得以綾作雜服飾不得打鹿行錦及局脚  
檉栢牀牙箱籠雜物緣帛作屏障錦緣薦席不得私作  
器仗不得以七寶飾樂器又諸雜飾物不得以金銀  
爲花獸不得輒鑄金銅爲像皆頒墨敕凡十七條

乙未以蕭賸爲領軍將軍蕭疑爲江州刺史 九月乙

巳朔日有食之 蕭道成欲引時賢參贊大業夜召驃

騎長史謝朏屏人與語久之朏無言唯二小兒捉燭道

成慮朏難之仍取燭遣兒朏又無言道成乃呼左右朏

莊之子也

朏數尾翻屏必郢翻捉執也持也謝莊見一  
百三十卷明帝泰始元年道成爲驃騎大將

軍長史亦太尉右長史王儉知其指它日請間言於道  
其府官也



成曰功高不賞古今非一以公今日位地欲終北面可乎道成正色裁之而神采內和儉因曰儉蒙公殊盼所以吐所難吐何賜拒之深宋氏失德非公豈復寧濟但

人情澆薄不能持久公若小復推遷則人望去矣

復扶又翻

豈唯大業永淪七尺亦不可得保

七尺謂七尺之軀也

道成曰卿

言不無理儉曰公今名位故是經常宰相宜禮絕羣后

微示變革當先令褚公知之儉請銜命道成曰我當自

往經少日道成自造褚淵欸言移晷

少詩沼翻造七到翻晷居消翻日影

也乃謂曰我夢應得官淵曰今授始爾

謂方加太尉都督也

恐一

二年間未容便移且吉夢未必應在旦夕道成還以告

儉儉曰褚是未達理耳儉乃唱議加道成太傳假黃鉞

使中書舍人虞整作詔道成所親任遐曰

任音士

此大事

應報褚公道成曰褚公不從柰何遐曰彥回惜身保妻

子非有奇才異節遐能制之淵果無違異

褚淵字彥回史言褚淵之

爲人人皆得而侮薄之

丙午詔進道成假黃鉞大都督中外諸軍

事太傳領揚州牧劔履上殿入朝不趨贊拜不名使持

節太尉驃騎大將軍錄尚書南徐州刺史如故

使疏  
吏翻

道

成固辭殊禮

劍履上殿入朝不趨  
贊拜不名皆殊禮也

以揚州刺史晉熙

王爕爲司徒 戊申太傅道成以蕭映爲南兖州刺史

冬十月丁丑以蕭晃爲豫州刺史 己卯獲孫曇瓘殺

之

石頭之禍曇瓘  
逃去曇徒含翻

魏員外散騎常侍鄭義來聘 壬

寅立皇后謝氏后莊之孫也 十一月癸亥臨澧侯劉

晃坐謀反與其黨皆伏誅晃秉之從子也

沈約志臨澧  
縣晉武帝太

康四年立屬天  
門郡澧音禮

甲子徙南陽王翽爲隨郡王

翽呼  
會翻

魏馮太后忌青州刺史南郡王李惠

高祖之母惠女也故忌之

誣云

惠將南叛十二月癸巳誅惠及妻并其子弟太后以猜

嫌所夷滅者十餘家而惠所歷皆有善政魏人尤冤惜

之尚書令王僧虔奏以朝廷禮樂多違正典大明中

即以宮縣合和鞞拂

晉志曰鞞舞未詳所起然漢代已施於宴享矣傅毅張衡所賦皆其

事也舊曲有五篇一闕東有賢女二章和二年中三樂久長四四方皇五殿前生挂樹其辭盡亡魏作新歌五篇泰始中又別製新歌皆易其曲名拂舞出自江左舊云吳舞檢其歌非吳辭也亦陳於殿庭楊泓序曰自到江南見白符舞或言白鳧鳩舞云有此來數十年矣察其辭旨乃是吳人悲孫皓虐政思屬晉也其曲有白鳩

濟濟獨祿碣石淮南王五篇余觀其辭過魏晉諸公所  
作歌辭遠甚但失之悽楚非治世之音耳縣讀曰懸鞞  
與鞞節數雖會慮乖雅體又今之清商實由銅爵三祖  
同

風流遺音盈耳京洛相高江左彌貴

魏太祖起銅爵臺於鄴自作樂府被

於管絃後遂置清商令以掌之屬光祿勳三祖謂魏太  
祖高祖烈祖也唐會要曰自晉播遷古樂遂分散不存  
苻堅滅涼始得漢魏清商之樂傳於前後二秦及宋武  
定關中收之入於江南隋平陳獲之隋又曰此華夏正  
聲也乃置清商中庸和雅莫近於斯而情變聽移稍復  
署摠謂之清樂

銷落十數年間亡者將半民間競造新聲雜曲煩淫無  
極宜命有司悉加補綴朝廷從之是歲魏懷州刺史

高允以老疾告歸鄉里尋復以安車徵至平城


復扶又翻

拜

鎮軍大將軍中書監固辭不許乘車入殿朝賀不拜

直朝

遙翻



資治通鑑卷一百三十四